

西頑道人近詩

田間集

樂易堂藏本

田間集 小引

今江南北蓋無不誦西頑道人詩云西頑者吾鄉錢幼
 光先生也或稱飲光南渡時遭黨錮亡命流滯嶺嶠迄
 幸卯始歸歸則番然老頭陀矣自稱西頑道人亦以
 道人稱之道人無邊幅好詼諧飲酒放浪山水每酒
 後談說平生聲淚俱下聽者不能仰視嗚呼此人也
 往學禪已信禪與易通益讀易及南華楞嚴經自謂有
 得因註易旁通星卜奇門術數諸書為人言或奇中已
 笑曰此皆易中餘緒也悉棄去間入城為余輩講易及
 莊子超超玄解即京郭失其奧論矣顧時時吟詩詩不
 拘一格上自漢魏下迄中晚隨其與會所至即為之生
 日昇集 卷序



平厭人分別四唐謂唐詩莫工于少陵今少陵集具在
其中亦初亦盛亦中亦晚或一篇中有爲盛者中者晚
者孰得而優劣之彼優初盛而劣中晚者直小兒強作
解事語耳烏足與論詩詩以道性情也吾適吾性而止
而格律矜哉故自道人歸後所得詩近千餘首自士大
夫以迄窮鄉野老豎子無不能誦道人詩顧其所傳者
皆卽事懷古田家諸近體詩至于古詩世或未之見也
吾嘗一誦之感慨諷諭婉而有風真得古三百篇之旨
而于性命之理當世之故往往託以見焉嘻盛矣余髮
燥卽受道人知以余可言詩也與爲忘年友余亦惟道
人詩法是宗間錄其近體數百首置笥中出游吳越同

人競相傳寫楮弊墨漶至不可讀思安得悉付剗剔用
公同好耶會子直諸子先獲我心搜其全本刪訂成集
余適自吳興歸乃與山民喈公廣謀同志合力梓焉以
應四方之求嗚呼此道人返里後十年內作也刪者十
之三所存如此亦可以傳矣吾猶惜其刪者之不盡傳
也至若十年前別有詩數千首皆感時紀事自成詩史
不欲示人又有行路難行脚詩亦各爲一集不載此內
集曰田間謂輯諸田間也田間者道人學易處也讀田
間詩者由詩以見道人之所見庶幾于易有得爾而徒
誦詩云乎哉

康熙壬寅季冬嘉平月同學小弟姚文燮謹識

自述

錢子游十年歸歸十年始有廬廬在先人墓傍廢瓜田
 盈畝為之環廬田也故名曰田間其未有廬前往來鳩
 茲白下天柱龍眠閒足跡不出五百里所至有詩詩且
 千數百首既居田間則覃心學易自謂于圖象外別有
 所得也故又名其居曰樂易堂樂易之暇間有吟咏咏其
 所得耳志不在詩也而同人顧獨好余詩兒子瀆祖間
 取十年來所有詩彙成帙號田間集藏諸家左子子直
 子厚見之謂錢子曰子游十年歸其十年詩既不肯傳
 矣今田間諸什大半播人口耳間子烏能終藏乎是不
 可以不傳錢子曰不可吾詩悲非世所樂聞其聲往往

激楚也二左子曰刪之刪其過悲者可矣錢子曰嗟乎
夫詩言志子謂我遭遇如此欲不悲得乎吾學易者也
嘗謂詩通于易易無體以感爲體詩有音感而成音彼
無所感而吟者無情之音不足聽也是以論詩者當論
其世也論其地也亦曰觀其所感而已吾不知世所爲
温厚和平者何情也悲從中來鬱而不摠必邁奇疾何
則違吾和爾風也者所以導和而宣鬱也吾極悲而情
始和也吾寧詩不傳爾其悲者不可刪也且吾又安知
其悲也二左子顧謂潘子蜀藻戴子導及孫子喈公曰
錢子悲不自知吾黨知之其悲之極者其情之至者也
情之至者不能自刪吾黨代爲刪之刪訖姚子經三適

自吳興返驚曰田間詩存者僅此乎然諸子之愛田間
者至矣僅此亦足以傳矣吾與同學諸子爲授梓焉梓
成爲卷十爲詩八百五十有奇錢子覽之歎曰嗟乎刪
之是也然是集也是諸子之志非吾之志也澄之記

田間集 卷目

卷之一

五言古

卷之二

五言古

卷之三

七言古

卷之四

七言古

卷之五

五言律

卷之六

五言律

五言排律

卷之七

七言律

卷之八

七言律

卷之九

七言律

七言排律

卷之十

五言絕句

七言絕句

田間集

卷之一

江上錢澄之飲光藁

五言古

傲淵明飲酒詩十二首

寄生大塊中何者為我故譬如逆旅物暫有安足據在世雖百年畢竟舍之去臨去豈不戀戀亦不得住所以達觀人澹然隨所遇委順生死間不厭亦不慕日飲一杯酒可以全此趣

宣聖防酒困周易凜濡首但云不知極其辭亦無咎大

哉二聖人未嘗斷我酒如何學佛人不許杯入手還言

破此戒諸戒亦難守我心任自然本無戒可受方其醉

田間集

卷之一

五言古

樂易堂

醉時虛空一何有。試問學人心中。有能如此否。
胞中有重閨。果核無完形。只此中處處。萬化由之萌。
籥空無有鼓之風。輒生倂仰天地間。至理妙難名。設有
一物在元化。豈不停吾其與萬有。浩然還太清。
朗鑑無藏影。洪鐘無匿音。忽然相值時。感應不自禁。
感已隨復寂。安有理可尋。吾觀學道人。祇求無其心。
心豈可無乎。無之患轉深。惟有隨所遭。與之相浮沉。
今晨無一事。有客候我廬。偶然得旨酒。佐以園中蔬。
與客樹下酌。酒少趣有餘。客忽不肯飲。問我所讀書。我心
在飲酒。客意將安居。卽此爲大妄。此妄卽芻除。把杯還
卽問我。豈亦妄與。

鞅掌觀無妄。群動胡滿盈。鄒魯矜儒術。舉世無一誠。
鄙夫務貪欲。志士尚聲名。名欲雖有異。學道同無成。
至人重適已。毀譽豈足驚。焉能乖天機。而往徇物情。
遯世不見知。庶以遂此生。
大道曰希夷。至德稱簡易。焉知天地心。吾心是者是。
陋彼鈎玄人。昧然求其異。我于世無取。亦復無庸棄。
起居任運游。遷化依時至。以此日用心。而心無一事。
自顧多閒暇。終日陶然醉。

芸芸萬物化。各各復其根。其根果何有。出入豈有門。
聖人推太極。毋迺荒唐言。吾生本無受。沒去亦無存。
于中何所見。而辨明與昏。不如隨衆人。與之同渾渾。

人生求有道仁義固其端吾不知仁義惟求心所安仲
尼困陳蔡微服亦不難登壇却萊夷鋒刃還相干豈不
惜軀命道在志以殫吁嗟保身語徒爲後世寬
端居玩蕃變爛熳同一仁生理無端倪諦觀皆至神息
息相灌輸寧隔我與人于中忽分別謂吾有此身此身
一以累骨肉不見親安得返無始同游六合春
有客同栖止意趣不相若一客終夕夢一客終夕覺覺
夢更相笑不知何者樂惟有大覺人心知夢所作顛倒
夢境中自云得解脫
古稱好飲酒其人皆大賢往往有所托遂以飲酒傳我
獨何爲者得飲卽歡然我若不痛飲恐負此中天天今

安在哉蒼蒼形正圓公我不甚遠可以相周旋

田園雜詩

夙昔慕躬耕所樂山澤居憂患驅我遠常恐此志虛十
年一言歸舊宅已焚如嗟我昆與弟茅茨倚廢墟徘徊
靡所栖還結田中廬結廬雖不廣牀席容有餘牀上何
所有一二古人書熒熒陂上麥青青畦間蔬日入開我
卷日出把我鋤

仲春遘時雨旣雨旋亦晴百草吐生意衆鳥喧新聲紛
紛群動出各各有其營孰是形骸具而懷安居情秉耒
赴田臯叱牛出柴荆耒耜非素習用力多不精老農憫
我拙解軛爲我耕教以駕馭恣使我牛肯行置酒謝老
田園集 卷之一 五言古 三

農願言俟秋成

一春勤稼穡草木荒東園今晨始芟刈逝將除其根良
苗常恐短惡草常苦繁腰斧伐荆棘用以衛籬藩荆棘
傷我手淋漓手中痕手傷不足道籬弱何以存家人挈
酒至滿斟在瓦盆勸我飲一醉頽然臥前軒前軒無人
來春風開我門

鷄鳴識夜旦鳥鳴識天時東臯人有聲我起毋乃遲攬
衣出門早且復驅其兒黃犢初教成我鋤子則犁犁鋤
豈不苦衣食道在茲道傍一老父頓感前致辭言兒筋
力薄稼穡非所宜詩書雖不尊猶是祖父遺如何舍素
業自甘辛苦為多謝老父意此意君未知呼兒且飯牛

吾公燒東菑

在昔江邨田貧者纔數畝父老能力耕子弟無游手春
秋聚比鄰半為垂白叟泥飲不能歸往往臥路口白經
喪亂來此會散已久今年更作社四鄰能來否社公猶
有神鄰翁亦有後呼兒牧鷄豚命媪釀新酒豈惟祖德
存抑使風俗厚回頭語子孫世世毋相負

今晨放火牛水田調生犢釋子原上呼有客訪茅屋田
鳥噪正喧招手去何速念此為誰歟有馬又有僕舍耕
還入門迺是平生熟田潦濕我衣泥塗露我足且為解
襪禱易我揖讓服故人持不聽訝我未免俗呼兒出草
堂勅厨炊脫粟我公送牛來今夜畱客宿

田間集

卷之一

五言古

四

樂易堂

樂易堂

罵牛東臯上有客問我經我牛依田轉客亦隨我行請
問大易旨此理不易聽乾卦冠潛龍遯世去其名奇門
稱遁甲迺能役九星祇茲无首義可農亦可兵八卦周
天轉六位以時成時哉不可背亦豈容將迎朝爲輦上
客夕爲隴上耕斯義如轉圜指出子應聆顧客且安坐
吾牛不肯停
東園有嘉樹開花照昏曉一爲葛藟縈遂使枝條槁枝
條旣以盡葛藟縈未了我欲解其纏轆轉死相抱念此
不能除斬斷乃爲好斬藤樹亦傷藤去樹以保今晨心
目曠宿穢淨如掃樂哉嘉樹柯且復惜其老寄言種樹
人此物太亓早

晨興理園圃有虫啣我蔬根株旣傷損枝葉還蕭疎我
心不忍救桑之臨路偶棄已還復出此豈能盡除况且
擾鄰畦彼蔬亦何辜念當護此生慨焉揮鋤鋤遂令害
苗物戮盡無復餘借問好生人此義將焉如

鄰舍有老叟念我終歲勞日中挈壺榼餉我于南臯釋
未就草坐斟出盡濁醪老叟自喜飲三杯興亦豪縱談
三國事大罵孫與曹呂蒙尤切齒恨不揮以刀惜哉諸
葛亮六出計猶高身殞功不就言之氣鬱陶持杯進叟
酒酒盡且鋪糟此是異代憤叟毋太牢騷

屋上春鳩鳴田家穀始播時雨催我還倚鋪簷前坐牧
童衣未歸雨聲聽漸大時雨豈不嘉所慮老牛餓自往

喚牧童牽牛入闌臥我牛既以來我鋪行須荷田疇及時治况復雨初過亦知冒雨寒為農焉敢惰
 盼盼水中蛙嗷嗷隴上鳥土膏一以動各有口腹需田婦饁我飯承筐置路隅顛顛者誰子似是久餓夫問之不肯對但指形容枯我腹豈不枵畏其委溝渠撥飯與之食傾筐無復餘飯已長跪謝此恩漂母逾我實憫子饑寧為千金圖揮之使速去毋用長者誣
 春天不久晴衣垢及時澣身上何所著弊襦及罽短家人念我寒一杯為斟滿酒滿不可多農事不可緩奮身田野間襟帶忽以散迺知四體勤無衣亦自煖君看狐貉温轉使腰肢懶

東家事詩書西舍勤稼穡本意在謀生所期各有得君看西舍翁男耕女能織娶婦既以勤生子又得力焉知翁室豐今年大召客割鷄秋極肥出酒濃如漆可憐東家子終歲不飽食夜愁兒女啼晝愁租賦逼天寒四壁空相見無顏色從此誠子孫决志耕不惑
 魯國有一士中年不蓄妻有酒惟孤斟有牀祇獨栖將旦候鷄鳴入夜聽鳥啼三冬布衾單煖氣無一絲况復失中饋長苦渴與饑饑渴豈不苦所得良自知在世多不便去之其如飴常恐懷其安一旦不肯離不離可柰何吾其無此迷

上士守其中下士勞其形晝作形以憊夕息神亦寧放

身草間臥一臥不得醒豈惟舒我體亦以忘吾情春耕
思有雨秋穫思有晴終年早潦憂常恐秋無成秋成聽
諸天而我胡營營我情豈忘歟庶無他妄生
人生會有盡行止非自由止亦不可趣行亦不可留如
何柴桑叟汲汲爲此憂終年痛飲酒冀以忘其愁吾身
聽物化化及事則休當其未化時焉能棄所謀有子亦
須教有田亦望收天心于人事何息不周流我不離世
間而願與天游焉能外親戚視之同聚漚乃知黃老書
不如孔與周

感懷詩

冉冉孤生竹托根松樹林松樹旣孤直竹色亦蕭森上

爲霜雪瘁下有斧斤尋不如道傍生雜在桃李陰桃李
人所惜竹亦不見侵托身旣得所中夜起清音還恐伶
倫知毋爲鸞鳳吟誰知芳華中藏此危苦心

萬物各有智至神莫如龍龍爲陽火精迺藏淵水中當
其乘風雲飛騰凌虛空化爲魚與蛇蹄涔亦能容頭角
旣以盡變化乃不窮日日游世間無人得其蹤如何延
津水中有雌與雄水深亦可涸劍去亦可從往來人所
指藏身焉得工不見夏孔甲豢與畜豕同身死醢作鮓
徒爲庖厨充

蘭若生空山離離綠陽坡春風披拂之爭發叢中華草
木亦何意貴飲天地和如何芳未歇遂有霜雪加蘭菹

日閑集
既枯死椒檝還紛羅仰視白日匿忽在西山阿我欲麾
之返愧無魯陽戈精衛思啣石夸父空飲河有志不得
就念之淚滂沱

浩浩洪流水中有往來舟舟楫各有適意各不相謀往
者既利涉來者自淹留我舟蹈風行日暮征不休豈知
巉巉石闌我水中流波瀾渺以深川塗阻且修顧見傍
舟去疾若雲煙浮行者發歡笑坐者生歎愁惟我達其
故坦懷無所憂天道有互勝人事無獨優先後理一視
我何多怨尤

槭槭園中柯靡靡庭前草秋風一以吹零落跡如掃朝
爲青葱姿夕暮成枯稿人命生非時腰領不自保屠割

如犬鷄係累及懷抱安能同草木及時自衰老吁嗟亂
離人得死固爲好

人生亦有命禍福亦有以屢空回固安貨殖賜自喜兩
人易其常無損貧富理莊周號達生彭殤等一視及觀
戒畏途貪生無過此寧爲曳尾龜不爲處籠雉如何孟
子與干謁不肯止虎鬚亦可編虎尾亦可履吁嗟兩賢
人同在臚下死

翺鳥翔高岡見色已知避游魚泳深淵聞聲亦驚逝飛
躍適其天弋釣何所覲往往殞其軀直以貪餌致猩猩
見酒疑終爲麴蘖醉狙公遭拳犄把握不能棄我觀人
最靈俱秉機先智一爲欲所牽冥然喪其志苟觀無不

清當局旋已昧初謂足卽休終焉死不悔明明蹈危機
甘心以身試身焉不自保豈非貪爲累使我心常虛貪
慾焉足蔽

鷲鳥味殺重貂鼠皮畏狸禽鳥以氣制死歿性不移惟
人有猛氣獨復不如茲在生稱勇敢旣死無一知漆頭
爲溺噐有怒不得施死而能殺賊此語竟空垂刑天舞
干戚千載毅其屍伯有爲厲鬼子產撫其兒我觀捐軀
人臨歿志不衰有志竟不伸徒爲後代悲

腐草爲螢火有光能耀夜青松變爲石堅貞與相亞如
何翩翩雉迺入淮海化翮飛豈不往水處斯爲下或言
鳥有文潛身避彈射未聞東海漁鱗介還見赦變化得

幾先斯言毋乃詐所以虛名人末路良可詫彥回老不
死寧免寒士罵

夙昔事遠游直至崑崙嶺路逢青鳥使啓關導我前顧
我有靈骨置我于列僊得驂周王乘每侍金母筵洪崖
相把手浮丘亦比肩浩劫例當乖一散如雲煙罡風吹
我下飄飄落人間行行至城市遙聞人氣羶望見雙朱
扉匍匐叩其關中有老道士紫衣束金冠其名在仙錄
所居爲洞天日我以凡夫叱之使速還我欲訢此故氣
結不能言

夏日田家作

民生食爲本要在四體勤盛夏豈不暑良苗獨欣欣我

苗既以長我草亦以耘南邨稻何早今晨已食新我饑
焉足慮且復乞諸鄰新米飯極香炊以召所親田家何
所召勞我作苦人汎汎水中菜潑潑池中鱗雖無酒肉
味魚菜亦錯陳舉家共一飽誰謂吾厨貧
種秫在東臯期以釀新酒稻苗何油油垂穗已盈畝笑
指一月後美味入吾口昊天不我遂一早三旬久苟可
資灌溉辛勤復何有夜坐茅檐前星漢當戶牖有豕不
渡河有雲不翳斗寥寥天
瞻望空搔首
吾廬雖不廣灌木頗森森日午農務輟來休樹下陰曲
眈方欲寢驚蟬忽嘶吟何以滌我煩命兒彈素琴此道
吾不解獨好其音彈罷頽然寐起視日已沉惜哉秫

色稿種至無酒斟稗子原上來歡顏爲開襟盛言湖田
好禾苗與人深無酒何足道且慰農人心
月出不復明星繁亦可數高柳兩三株逍遙陰我戶時
有農夫來露坐共我語所羨水田禾所嗟桔槔苦夜久
螢不飛莎鷄忽振羽鳴聲一何急似欲入我廡東風徹
夜吹明日豈得雨不雨可奈何聊用解吾暑

過縱陽輔仁會館有感

昔有童靜齋生長此市井終歲不讀書一朝忽有醒遍
叩諸先生發言無不領坐臥一小樓暗室衣冠整講堂
倡絕學聽者發深省有如醉夢鄉忽聞鐘鼓警厥功今
尚存厥志昔何猛我來拜孤墳披榛上荒嶺

田園詩並田
家清大初始
後一意
甚安

先生去已久繼者爲吾親吾親緣飾盡所存惟一真從
游諸老叟鬚鬢皓如銀平生易簡理微言與誰陳所談
皆世事所接盡俗人妙道無不在指出皆歡欣所以貨
殖區風俗半爲淳歿去二十年無人繼後塵

咏史

荆州據形勝其國四戰衝北向爭天下勢同順風呼乘
危不能取惜哉失此圖先主旣入蜀勢在西一隅主旣
稱爲帝蜀亦建爲都將士皆懷安焉肯復長驅雖有孔
明才見利不能趨魏延計不用千載嗤其愚
古來稱險固惟蜀號偏安一夫以死守誰能踰其關如
何有蜀者兵至輒破殘哀哉姜伯約勇智非不全漢主

旣乞降焉用軀獨捐解甲以事仇舍易圖所難此志亮
不就至今爲心酸

晉室昔南渡立國過百年其臣非不庸其主皆至孱豈
有復仇志惟圖旦夕安所重亦門第所尚仍虛玄中朝
覆亡轍到今迥不悛中原有戰爭此地幸以全獨令王
與謝後世稱其賢

得失固有道成敗安足論成者宜必聖敗者詎爲昏古
來功名際多爲史氏寃謝玄破符秦其名至今存向非
朱序倡秦兵豈遽奔英雄一失路萬古禱其魂功名屬
豎子壯士復何言

中原昔喪亂戎羯互塗炭共偷江左安坐看神州陷壯

日開集
哉宋武帝直上咸陽殿百年宿穢清天日重相見可憐
秦父老壺箆遍畿甸天下望風降拓拔不敢戰一朝棄
之行急歸圖晉禪關中自足帝方隅何用篡空使向化
民再罹吠戎難功名不得收古今一長歎
虞常漢烈士沒身在匈奴身陷志不屈還欲復其仇思
劫闕氏來併取丁靈頭此豈能歸漢要爲壯士謀傷哉
奇計泄同事皆被收其事雖不就其義已千秋獨陷蘓
子卿北海長幽囚
漢家邊禍起爨由中行說翁侯相繼降和好從茲絕隴
西辱家聲長水焉足責貳師名將軍一敗屈其節爭寵
復何心陰害出同列飭巫托鬼語祠社屠其血寃死在

異域殺身一何拙

都尉昔出塞搏戰功誠奇若非管敢降豈不出重圍壯
哉韓延年一死報主知因杆無功返夷滅焉能辭緱王
亦可慕浞野亦可追何爲別子卿泣下空霑衣不如丁
靈王勸縱蘓武歸

蘓卿在北海志豈復望生空死無人地此心誰當明丈
夫守大義口舌未可爭李陵語未畢喟然感其誠雲中
生口至廼言武帝崩南嚮一長號至今聞哭聲白髮謁
園廟歸國徒傷情

人生重富貴要在還故鄉韓信過淮陰身封楚國王買
臣歸郡邸腰懷會稽章故妻怨旣報漂母恩亦償英雄

不見道。怨馬能忘得志論。一時宜保後不亡。二子非
令終後世皆稱揚。

子雲寡者欲家無儋石儲。漢亡不肯去。天祿還校書。勢
利非所慕。所懼身見誅。設令投閣死。死市何以殊。天地
有玄文。時節當發摠焉。顧持筆士削其漢大夫。
富貴不足羨。道得豈爲耻。不見張安世。光寵世無比。父
子並封侯。知懼不知喜。纖嗇殖貨財。天下稱其美。張禹
老貪夫。嗜利死不止。臥病邀帝臨。但託壻與子。天變意
昭然。豈不在王氏。直爲子孫計。陰希外戚旨。漢祚從茲
移。禍由貪夫始。

寄藥地無可師五十

風勁知歲晚。水落知天寒。居人篝火坐。各各掩其關。言
念藥地翁。一身栖廩山。廩山在何所。草屋八九間。江右
土氣薄。况經兵烽殘。緼袍豈不冷。粗糲寧可餐。又聞終
歲病鬚鬢。不復斑。豈無徒與侶。枯淡恐無歡。念此不能
往。喟焉摧心肝。

惟彼藥地翁。今年正五十。十載參學功。茲事應已畢。何
不放牛行。聽其自出入。無事經卷間。窮年尚汲汲。我讀
義文書。不從書中得。大易藏諸人。日用誰能測。一悟咸
感旨。損盡安排力。苦爲習所持。卽事難自必。明歲亦知
非。念之心轉急。

聞翁在藥地。終日只讀書。此事佛所禁。翁意那得舒。佛

泐制凡夫豈爲我設與我今但飲酒吟興亦不疎平生
好此物到老不能除自謂醉吟時雜念無用鋤以此在
世勞而心常得虛遠公亦有塔浮山自有廬翁倘能歸
來我其從翁居翁醒我獨醉兩者樂焉如
昔在庚寅歲同泊昭江舡爲翁稱四十冠冕羅賓筵長
歌聲忽悲轉眼十年前存者今幾人亡者良可憐如何
我與翁又隔窮山巔翁其愛道體強飯以安眠五十爲
始衰百骸互周旋譬如逆旅宅亦欲使完堅定知久當
去得住且免遷知翁無所嗜亦不用學禪惟有一卷書
可以終天年

述懷

五月井水寒十月井水温陰陽潛變易智者窺其根而
况氣候移一往不復存古人有陳迹每爲後世翻如何
章甫儒猶守聖人言草木戀故株人心懷舊心不如候
旦鳥能知朝與昏大運旣以然吾道安足論

有客授我書云自張子房其理本大易其術役陰陽十
干甲迺遁六龍首則藏易爻稱帝乙遁甲義以彰八卦
排九宮虛者爲中央中央數居五其色乃正黃神人避
正位往往游其傍此義知者誰庶幾老與莊誰謂兵家
言恐是養生方

振衣忌太白澄水惡太清太清魚不樂太白黥易生舉
世懷嫉妬焉能全令名賢者砥完節至人多累行成綺

事譏議伯陽不與爭後世徒見原焉知至人情

楊雄性佚蕩劉向無威儀抱道空自樂誰能知其奇南
國有曠士秉志顛如斯其口不擇言其行迺無虧我欲
從之學懼爲世所疑世情重色莊勸以少矜持此士還
大笑尔胡教我欺公公勿復言吾不爲人師

靈鳥常苦饑志士常苦貧人生何仁義惟知賄是親東
鄰有戚施駭愚駭四鄰西舍有嬌女容華耀青春願言
結歡好共知非等倫所重在金帛豈必重其人不見南
郭子守道以終身兒女非不佳長大無婚姻

人生各有志所志各不違處者甘藜藿出者厭甘肥焉
能慕高尚而辭渴與饑顏公送酒錢元亮亦不揮未聞

五侯鯖遂爲西山薇古人嚴一介此道今則微窮餓未
卽死不如且掩扉

虞火戒突直防堤慎蟻穴世人重周旋彌縫慮其缺而
我性狂愚言詞復疎拙如何謗毀來反以括囊獲忠告
固見猜綢繆轉開隙中夜內自省不知愆所積不見道
傍樹編籬得松栢不見庭中花種梅成荆棘世路苟如
此存心復何益

吾生固有分所貴能自知昨日饜梁肉今晨抱腹饑早
時縱歡笑夕暮已生悲自審分正尔安敢踰其涯齷鼠
飲滿腹鷓鴣巢一枝豈不羨鴟鵂所賦各有分遠志諒
不遂徒爲世所嗤

田間集

卷之二

江上錢澄之飲光藁

五言古

初返江邨作

往昔寇氛逼，猝與園林辭。
 流離避黨旣，轉徙天一涯。
 妻孥旣死喪，惟有一子隨。
 自當從此逝，入山求所師。
 何意飄飄風吹我，還茅茨。
 入門見廢墟，堂構無復遺。
 門邊二老叟，雙髻交垂絲。
 云是我兩昆，熟視迺不疑。
 傍屋設靈位，倚帷哭者誰。
 答言同胞兄，歿去已多時。
 拊几一長號，塌焉裂肝脾。
 四家兄弟若士望，我不至而卒。
 我鄉舊淳樸，鄰舍情頗關。
 自我出門久，終年望我還。
 茲

田間集 卷之二 五言古 一

晨候柴扉知我遠來艱深感父老意相見開歡顏喜我猶未老但說鬢毛斑亦有子弟隨指之與我看此輩昔在抱今已突而弁回憶十年事如何不辛酸

到家已旬餘不忍啓我室今晨一開扉蠨蛸遍所歷故物無一存起坐想遺跡平生尺素書顛倒猶在壁念我結髮人衣此為誰迫如何舍閨房委身沉大澤妻死難

流塵集虛牀雨痕浥散蓆伊人未不歸衣衣勿復覲澤弊廬雖以燬所欣松竹存子姪我行依依入林園上

山拜先隴疑非昔墓門西向望游子意出亡者若士兄為改墓向言之增我恨淚下不可捫東學有蓬室云栖

讀此知篇畧如先生老年境况則他詩之意之託屬亦得彷彿見之矣

丘原我歸復如此拊膺夫何言

自昔事行役苦憶江邨閒憶此老楓樹婆娑門前山秋霜一夜零葉葉為之丹有時微雨霏遙倚衡門看田父樹下來牧童嶺上還但聞禾稼好相見開笑顏長恐死道路永託夢寐間今我既歸與此樂庶不慳

三家兒幼安初度寓蕪陰遙祝

肅肅歲云邁孟冬月載陽游子栖江縣牢落古寺傍攬衣步庭除日月既以望念我同胞兄方稱五旬觴嗟余久流離十年一還鄉如何百里外樽酒不獲將豈無一言陳握筆情內傷回思廿年事泣涕不成章

憶昔廿年前我兄妙能文先君課諸子于我與兄勤篇

成待天曙吟苦入夜分雖無二陸聲都邑亦有聞時值
盛明代况逢堯舜君自謂次第出並可致青雲此志竟
不遂天地一塵氛國運旣以然我曹胡足云我爲奸臣
逼竄奔靈武軍兄困鄉井聞筆視一朝焚絕跡謝城市
長與樵牧群眷言先子教庶不愧遺芬
昔與兄別時倉况兵荒後兄逃草間活我挈舉家走出
處不相謀黽勉以糊口一去十年餘天道厄陽九兒女
半摧殘榮華竟何有臘月禿首歸蕭然窮老叟我兄雖
食貧有田三十畝穉子能操觚并白付新婦媵氏厚福
人悠然偕白首念我鹿門伴可憐骨已朽昔兄體羸弱
咸謂稟自丹神明老不衰當得吾祖壽謂彭祖何處求神

仙惟有多飲酒

何以侑兄酒東籬菊有英又何以侑之僧居梵唄聲人
生逆放耳萬慮且互輕雖在塵世中長懷出世情衣食
天所定旣足不願羸百年已過半胡事苦營營惟有未
生前此事當分明望兄池上居茅屋爲三楹共兄學佛
法逍遙悟無生

水厓同方尔止哭子畱作

同舟涉水厓澄湖深可榜問此爲誰行擁權悲相向吾
道旣以孤斯人復淪喪攜手赴山阿雲木鬱含愴入門
同一哀暮色增惆悵傑閣林杪縣皓月出孤嶂夜深作
悲歌我歌不敢放

自我適炎州所歷備險阻回脰望故鄉四郊此樂土二
子復何心辭榮學農圃栖栖東海隅饑寒不言苦既爲
小兒笑還遭長者怒此志竟無成野死良自取獨令吾
子存孤憤向誰語

滌岑招隱詩同左子直子厚飲陳默公樓上

五月暑氣毒城邑難久留所遇皆熱客清冷不可求野
人乍入市振策何所投老受三兩家僻在西北陬日暮
城隅陰散步得自由遙愛林麓遠曲折藏一丘我友善
臥病經年居小樓雙扉鎖初啓道書讀未收苔草階面
厚砌花石上稠開軒延北眺夕氣爽如秋移植故山竹
新梢頗修修披襟坐林下隨時成獻酬坐見郭外峰窈

還是病字好

窈雲西流回首眇城郭俛仰悲昔游存者今幾人出處
兩不謀處者甘寂莫出者亦沉浮我髮不可黑子疾何
時瘳服藥成神仙此事真有否不如多飲酒長嘯西山
頭

寄周農父

鬱鬱青松姿自植南山顛上有巉巖石下有潺湲泉終
年月霜雪朝夕含雲烟檜樹亦挺生不受蔓草纏數與
雷霆鬪摧折禿其顛根幹本不殊榮悴胡迺縣可憐石
上桐栢曲還鈞連我與農父交二十有六年文鄙西京
後詩稱建安前意氣略相當才藻亦比庠子學通天人
術數無不研上書報罷歸投筆從戎旃督師在江惟
日開其卷之二五言古四

先生知時事不可
也故有指隱之意

子與周旋豈意揚州破空有襟血濺我遭黨錮既妻子
沉深淵十年一還鄉相見鬢蒼然子為諸侯客能拂利
物權我無家可歸合明同學禪無可方天地成翻覆性
命圖苟全慷慨念孫吳孫吳謂在臨事軀竟捐出處雖
有異此志同一堅子年今五十天下誦子賢爭言江淮
民喘息子所延中丞惟子聽政事皆可編人皆為子美
吾獨為子憐如何功與德假手他人傳勸子以學易望
潭上田知天松栢庶不凋陵谷猶未遷努力謝帷幄來咄
吾及王元倬高風我所師不與時輩交其為流俗欺亦

贈旭初上人

有胡星卿閉門江水滑足跡不入城舉家終歲饑二子
慎游處獨與師追隨安知吾師德觀其爰可知師窮大
乘法世典無不窺六書學更精難字不復疑所以博雅
士時時來問奇授徒荒寺側還為蒙師嗤師性太疾惡
孤僻不可移語及忠與孝喜色溢兩眉年年先帝忌野
哭冬青枝同心有數子相對涕泗垂以茲笑遠公蓮社
趣何卑元亮生在今求入應恐遲今年師六十正是還
山期山中何所供猶餘霜後葵同來祝師者皆是漢陰
遺願師闡大法人天所共推披衣坐曲盡師笑而不為
但辦犁與鋤叱牛耕荒菑

長壽庵瞿耶上人索句

散廬在南郊吾亦偶然寓頗得素心人時時一散步
舍老比丘久得靜中趣白晝閉雙扉經旬或一遇時有
磬聲聞知是幽人住我來爲啓關佛案香初炷庭階淨
如拭涕唾時恐誤浣濯白氎衣皎若霜雪素楚楚羅經
書似未觸手汚眈絜旣以癖索處遂成痼我性本疎放
修整時復慕矜持只須臾少焉還我故恣意閱簡編狼
藉君當恕

題曾旅庵八卦圖

宓義作八卦天地秘以宣老少有定位何時何儼然文
王老多事從而爲倒顛其體本不動其用乃如環譬如
矩有方規之化爲圓莊子得圓旨邵子發微言乃知環

中趣實義本非玄請觀周世易卦莫尊于乾六爻以龍
稱其初卽爲潛神龍不見首豈必長在淵可憐遁甲書
徒令兵家傳自此八卦作千古用後天我爻曾旅庵學
易積有年出處無成心與世相推遷有同炙轂輶莫獲
測其端垂老畫此圖以當自壽篇我亦學易者執志苦
拘牽藏身術數中糊口無粥饘顧謂我知易長與我周
旋會須毀八卦相見未畫先

草堂紀異

孟冬建亥月群陰氣以盈百虫蛰不出青蝇廼營營紛
然几案間耳目無時清貧居寡羶蔴擾攘何所爭屏坐
不得却開軒玩虛明虛明豈足碍且復憎其聲或云大

兵後屍氣感所生又云冬大熱將有疫盛行微物關氣
運我心寧不平瞑心絕聞見任汝自縱橫
江南亂甫定有鳥鳴屋頭有如將雛雉旋繞聲啾啾居
人夜不寐聞者生歎愁云是九頭鳥厥聲灾禍由掩耳
不敢聽而我獨無憂我觀天人理吉凶本自求我生不
愧天此鳥寧足讐達人齊得喪志士重自修誰謂鳥聲
惡宛若鐘鼓幽聞此發深省如何還怨尤

老屋墻隅穿群鼠穴其內白日公然出頗作逢迎態衣
桁無完物書架半殘廢平生所著作竊取無復在意氣
還驕人傍觀轉難耐我自學道來深以文字悔任汝攘
所有原情悉汝貸胡爲益跳梁時復肆狂喙背德者不

祥汝行將自逮安得曠野居終身遠此輩

馴犬十年餘晨昏在門戶依依膝下眠出入衒衣屨搖
尾有所需給之惟恐誤一朝忽狂吠不復舊恩顧伎倆
昔所知猙獰狀可惡時時張爪牙意在使我懼醉人不
畏虎得全以天趣我天旣以全寧于犬乎怖恩多怨反
生我實驕汝故從此舍汝往慎勿臥當路信信且收聲
路人不汝恕

苦寒行

嚴霜日夜摧北風一何凜天地忽以閉晝短夕苦永敲
石無火星斧冰惟枯井口噤不得開淚下直如縷豈無
太陽輝一令群陰屏浮雲相蔽虧乍出旋已隱浮雲本

無根白日亦有景自非羲和才六轡何由騁空使寒岩
松窮年自孤挺

苦熱行

中夏氣炎熱其烈如焚柴大地皆焦土萬物爲枯荻入
秋猶不雨時節毋乃乖青青田中禾化爲蒿與萊鯉魚
亦有神噓吸驅風雷密雲自西興微雨從東來霖霖一
瀟洒謹聲六宇該群生望始蘓天意還見摧中道折其
翼委身困黃埃倘非應龍神安救下民災下民猶有望
庶幾天意回日暮雷雨散面色成死灰

偶見坊間有明季遺聞一書悖謬特甚不勝憤惋
遂成此詩

史家稱實錄孔子讚闕文所以信後世豈不貴其真不
見韓退之有論不敢伸天刑與人旤言之悖心神斯人
愍不畏謬妄撰遺聞先帝甲申變烈哉數名臣此外安
足道表章必有因又如賣國者丹書著國門公論豈能
廢曲筆乃爲原皆言此書出意實由斯人南渡政多端
綱領略不存所載諸讜論當時未一陳乃知紀失實總
以徇交親至于閩粵事有若夢中言年月旣錯亂爵里
亦紛紜是非與功罪顛倒難具論聞有華小吏遭斥懷
怒嗔私意撰僞書詆誣無不云儼然編野史徒于此乎
遵此事吾親見紀錄亦未湮柰何當吾世親見是非翻
遺聞頗流布人圖耳目新耳目旣以惑後世何所循安

得有識者一見輒爲焚慨然作此詩聊以寫煩寃
同胡星卿過牛首定禪丈室方繡山尔止先已在
坐

跨驢循絕澗山葉颯已秋仰見牛頭寺丹翠空中浮岩
際錦樹合松上白雲收時時聞鈴鐸往往見紅樓欣此
天氣佳愜我同心游石磴辭攀躋間道入林丘耆舊五
百餘大半白其頭庭階自起坐不問客所由客亦不復
問直造禪室幽叩門妙香出二子先已畱果核旣錯陳
伊蒲亦頗羞開窗俯絕壁浩浩大江流大江何所見中
有往來舟波浪接天白萬古長悠悠上人昔宴坐閑淡
寡所倚我亦山中侶策杖時相求雨聲閉竹窗雪色浮

茗甌流離天一隅此樂能忘不何意二十年與子重綢
繆餘生應有限世事亦可休所需容膝地垂老此優游
上人不輕諾首肯爲我謀

次夜過祖堂宿石溪師竹關

幾年客長干名山不易造一徑入深林曲折久迺到山
門松間開有僧爲我導竹房上崖際石磴穿窈窕上人
亦啓關凭欄肆孤眺驚見俗人來頓覺一山闢上人我
同庚髮白顏殊少清風洒塵表朗月盈懷抱意取懶殘
禪不傳曹洞道有時弄筆墨直探北苑奧豈有揣摩工
所任自然妙卷以贈方子足慰平生好夜久齋厨閉自
起然茶竈茶熟客亦眠獨上峰頭嘯

贈胡處士星卿

榮榮畦中蔬，嫋嫋門前柳。畦以木槿籬，門用桑樹紐。茅屋入蒿萊，江聲通戶牖。中有避世人，言是東陵後。多年不入城，一卷常在手。客來問所爲，良久乃開口。有時還見招，臨流一觴酒。門前何所見，逶迤江上山。亦復何所有，宛轉江水環。春潮江水濶，渙舟聚其間。荻簾亦不捲，柴門亦不關。家事園圃獨，有老翁。鬪老翁持菜把，入市換米還。有時斷朝炊，日午不能飯。看水板橋平，席地草茵軟。溪上權歌揚，竹外犬聲善。故人自城中，無酒何以返。泥婦身上衣，踟躕日將晚。日晚質酒來，言笑盡繾綣。

惟我與夫子，同爲學道人。我亦無深嗜，不能甘子貧。昔爲帝室戚，今爲隴畝民。抱腹聽鳴鷄，長夜不肯晨。兒女終歲饑，啼號動四鄰。故人貽斗米，持以分所親。衰哉此高士，不能營其身。

聖道日荒蕪，斯人固無昧。夫子窺太初，心行果不背。旣鮮獨立懼，亦辭遜世悔。德秉屢提忍，學遵老氏退。仁者必有勇，汝汝豈一槩。忽遇邪說人，辨論何慷慨。乃知馴擾中，龍性固常在。

同星卿訪梅逢一靈二上座

古寺入深松，石徑踐以熟。一自導師亡，旋見苔痕綠。念此二開士，在昔稱高足。策杖叩其扉，繩牀守幽獨。爐灰

不復然齋堂日一粥靈公呵凍書寒色滿修竹梅公負
暄坐談笑無拘束禪機紛滿前豈在言往復
梅公老古錐信是住山人靈公氣駘騫目中誰等倫長
干十萬戶獨與二老親二老復何知惟有徹骨貧朝洗
耳中汚夕澣衣上塵所存餘幾何太妄豈有真賴此善
知識妙義互相陳逝將舍我學從汝談淨因

輓李翁文若

昔我先君子抱道隱岩阿遠方爭就學里彥靡不羅翁
也負英氣自請備四科先君奇其才入室加切磋翁志
鄙章句微言聆頗多手把莊生文松間朗吟哦竊聞時
輩笑聲益振林柯所居在菰蘆籬落向江沱熒熒麥與

菜纍纍瓜與茄柴門帶高柳古屋纏薜蘿客至出麥飯
邨酒得微醺兼通儒釋理辨論若縣河有見必自是此
病老不瘥兄弟事耕鑿門內藹然和嗚呼喪亂來人事
同逝波翁老而失子骨月半消磨所種沙渚田崩卸成
漩渦疆界旣以盡賦役徵仍苛此翁興不衰七十髯纔
皤我自嶺外歸步履相經過夜深談易理傳註痛詆訶
當其得意時目中寧有他今春奄忽逝未聞久卧痾翁
爲學道人來路不頗年紀近八旬不死欲如何所憐
雙親板暴露荒山坡所憐兩稚子未勝笠與簑空有官
家稅而無田中禾卹孤竊有志常恐竟蹉跎時于牆壁
間誦翁呼吸歌

雪朝偶成

林雀不聞譁竹窗旋已曙攬衣啓柴門藹藹見積素孤
煙弱不高野田微有路土畦高下白皓若宿群鷺寒花
裹不舒麥色萋以布何處一聲喧驚此山鳥衣

端午獨酌

霑雨涉春夏百穀播始完林間水生陂浩焉興波瀾郊
邑困誅求四民力已殫黯然值令節慘澹不成歡壯子
室屢空長夏更艱難手持一樽酒弗獲具盤餐酒雖滋
味薄能令顏色丹漬以菖蒲香防彼邪氣干開樽自斟
酌一酌再三歎跼踏茅檐下周旋豈得寬惟有孤生松
可以恣盤桓

彭躬庵過訪田間

垂老營一室累載費拮据短衣雜傭作手足皆泥塗客
從遠方來遙問田間廬馱負何纍纍滿麓圖與書家人
驚所見知此爲誰與心疑是斯人相見果不誣相識雖
非故相思廿年餘人生志氣合豈在密與疎自余處窮
僻言笑鬱不舒何意今夕聚縱談無所拘釀酒雖非嘉
不用市中沽盤餐亦以儉猶有蟹與魚惜哉子不飲我
自盡此壺子行數千里幾人爲吾徒世間無奇才吾道
已矣夫五十以學易爾我倏已逾我有一丘壑而恒苦
索居中年亦有見習氣厚難除遠媿藥地翁毅然事浮
屠我守先子訓黽勉學爲儒所恨氣力弱無人能起余

良朋眇天末誰言德不孤子在岩穴間獲與親爰俱夕
則攻諷詠晝則把犁鋤此樂可忘死桃源焉得如致意
曾止山遠游胡爲乎誨我藥石言我豈冥然愚所恃命
在天毋事多憂虞明年春水發能同東來無茅茨治已
就晨夕聊可娛吾生寡歡趣得意惟區區焉能舍徒侶
而往逃空虛來當共講習勿令歲月徂

雜詩

步出城西門荒堤何逶迤衰柳夾堤植上宿鷗與鷓鴣路
傍有古廟入門板纍纍借問此何人云是義士屍寄此
頗有年親戚不敢移中有慷慨士平昔心相知始志在
捐軀臨危果不欺旅魄滯曠野冤魂當訴誰徘徊不能

公愴惻傷肝脾

赫赫勢家子金錢甲城內宅後羅姬姜宅前羅冠蓋計
較盡錙銖積歛死不悔一朝屠伯來人命恣斬艾心知
富人名坐罪不肯貸身首殊西市田廬入官賣妻妾屬
他人子女復誰在富人有何辜旁觀或稱快豈不善趨
時多財成患害豐狐皮爲災巨象齒其罪所以明哲人
棄此如草芥

我昔好交游結爰皆豪賢意氣一相許沒身誓不讓自
謂天下士盡可披心肝願見游俠兒聲利方交歡南鄰
笙竽沸北里鐘鼓喧富貴誓與共患難期無捐一朝時
事異此義安可全有急來見投梟首縣諸竿念彼亡命

人怒焉爲辛酸

昔有夸毗子自命頗不苟一旦處脂膏見利忘所守夜半知者誰毋乃同門友始事不相欺臨竟乃思負時勢既以變人命復何有豈不念舊恩志在滅其口危哉避仇人乘閒脫身走燕丹顏色變焉保樊生首爲語世上兒勿恃交游厚

朝入城南門經過冠蓋里門扉日中閉鳥雀檐下喜高樓旣以傾花榭亦以毀石筍青莪我爭爲勢家徙問此爲誰居疇昔門如市隻手覆邦家海內不敢指國事一朝壞名敗身亦死炫赫曾幾時至今人切齒唯有霍家奴猶稱富人子

鬱鬱青槐巷中有壯麗居華棖耀金碧交窗結綺疏高樓臨大道艷色照通衢昔爲富人宅今爲丞相廬行人不敢過過者爲下車別去無幾時門巷忽荒蕪雙扉白書鎖中有官物儲問之丞相歿得罪身被誅妻孥遠戍邊籍沒無復餘識時稱俊傑斯人計豈疎屈節以保身禍至還突如悵念平生交夷滅何歎與

北里有富室養女自云姝南鄰有貧女終歲閉門居顏色人不見但知手爪殊楚宮購重錦織作過里閭富女名在官臨機空躊躇邀女入閨閣坐女以軒車請女當窗織一匹五丈餘織成獻后宮寵譽傾通都錦匹朝日成女情夕暮疎情疎不足道謠咏一何辜寄言謝北里

棄絕將焉如

攬衣忽不寐起步庭前楹秋葦扶戶叫聽之感我情萬
物有至信候至此則鳴如何結及誼不如秋葦聲憶昔
初相知一語要平生堅此歲寒約重以金石盟昨暮極
繾綣今晨背我行有如急難至于全我則傾轉念疇昔
言曾無一語誠傾家不足道此意殊難平
西風肅檐戶有雀鳴東廂鳴聲一何悲似爲異物傷我
欲全此鳥搗藥裹其瘡織籠使之栖採花飼爲糧常恐
鷲鳥害舉家爲隄防今晨開我籠刷羽忽飛揚飛飛顧
我語如訢積年腸疑我有他志久令籠中藏我不望汝
報汝行亦太涼努力從茲去有恩望汝忘

珍禽亦有種靈木亦有根如何霜霰加凋傷無一存道
逢一少年云是勲戚孫其爲市井誘棄絕父母思念其
久饑渴聊復給饔餐與語無一實所見皆至昏諄諄勸
其返掉臂還出門世胄苟如此已矣復何言

田間集卷之三

江上錢澄之飲元藁

七言古

鷄鳴

冬已過半夜偏長愁人不眠獨在牀寒鷄擁翰不肯叫
老鷄得氣山頭嘯山頭有虎伺人行偃鬼騎虎學鷄鳴
鷄在牆根鼓兩翅欲鳴不鳴時未至邨南邨北聞犬喧
鷄未三唱勿出門窗前山鬼太無賴低頭樹下學人拜
遙遙古寺打鐘聲一聲一拜聲聲驚鷄鳴一聲天下白
千狀萬態從此滅

鳥栖曲

庭前樹鳥夜栖何事夜夜枝上啼一夜不啼樹初靜上
枝下枝栖不定勸鳥但栖勿復疑樹枝雖短無人窺秦
家樓前桂樹好小兒擲彈何草草城頭老鷓爭栖鳴鳥
栖獨樹鷓不爭鳥子八九東西去安能共鳥一樹住如
今返哺事已稀有巢窠待鳥子歸鳥得一枝栖已足我
在窗中伴鳥宿

雉將雛

田家養鷄秋不收時時鼓翅土中撥土中何有時撥得
擲向雛前看雛拾蚯蚓啄出雛且驚啣去故引雛來爭
可憐粒粒送黃口嘴距雖勤咽得否天寒柵壞雨中伏
喔喔呼雛腋下宿蒼鷹欲下雛亂藏護雛與鬪爲鷹傷
雛漸長成東西去母子相遭不相顧母心戀雛逐不休
被雛啄傷始回頭

空倉雀

空倉雀何不在空倉住朝朝飛上田頭樹田頭樹多
站滿枝東西跳踉偷眼窺禾稻乾死稻無粒汝縱下田
不得食滿地蓬蒿亦生子何不飛入蓬蒿裏覷我穀種
晒場邊食之荒我明年田稚子持竿滿場逐飛飛又上
人家屋屋欲穿天且雨今年無草何以補官倉自有雀
鼠糧何難飽食充汝腸空倉雀不如但學倉中鼠日竊
官粟誰詈汝

孤雁篇

比風吹雁孤飛遲日暮失群鳴且悲羽翮顛頓天涯遠
同侶被傷身獨免往時塞上矰繳多如今江湖遍網羅
網羅遍張飛不得茫茫四海難求食江空歲晚稻梁微
水淺魚蝦處處肥漁人打魚不打鳥汝但飲啄毋驚擾
雲中時有征鴻聲聞之勿起翻飛情勸汝勿羨雲中翼
雲中之禽身不測

燕巢行

燕子飛來遶人屋屋裏檐前看不足幾迴尋得屋可栖
却向春田啣新泥春來雨多泥嫌濕燕子巢成梁上立
傷人相賀燕有巢豈知心爲黃口勞黃口在巢燕飛去
時時得食啣來哺長得雛成能學飛燕子辭巢何處歸

丁寧何雛如有訢明年記取舊巢處明年雛燕堂前見
人猶認是啣泥燕舊燕營巢新燕補勿負巢邊燕子語
捉捕行

鷹能捉犬能捕年年射獵城南路高下隨人不暫離共
上中山擊狐兔中山兔盡狐夜驚卽防躑躅塚穴平祇
言狐兔不日絕那知鷹犬自相爭犬背主恩掉尾去反
面還爲狐狸護從此鷹拳勇莫施高墳大宅公然住昔
時逐兔犬常肥今隨狐狸終歲饑回首蒼鷹不得志猶
在天邊側翅飛

泣象行

雲南象來舉國喜纏頭赤脚蠻子騎云是粵東新戰獲

道出江楚北歸旗還遵前朝加品秩照品給俸沿途支
大開城門容象進獨有一象不肯隨印官當街再拜請
象奴附耳前致詞先言禮節勞縣主後言官職如前時
公南日遠北日近此是本國知不知象聞此言淚雙垂
淋漓滿路觀者悲語象且勿悲汝來粵東五千里卽今
放歸歸已遲我聞西有獨牙象摧堅陷陣功尤奇昨日
被執不肯屈掘坑縱火焚其屍汝輩不戰復不死中道
涕泣將何爲

癡羊行

昔聞龍女牧雨工散地食草與羊同山邊有羊非凡種
呼作雨工雙目竦土人致禮爭求觀竹枝灑鹽恣飽餐

天旱迎羊往祈雨羊登雨壇亂搗鼓鼓聲驚起虎來爭
癡羊屈膝哀且鳴隨虎還山入虎穴早晚只是虎口血
羊非雨工心自知土人無識空相疑土人自癡羊不癡
老狐行

我聞吳中書生久授徒一朝塚中爲老狐書生入京見
天子殿前雄辨折群儒天子非常賜恩禮公然白晝搖
簪裾天地翻覆狐不死還竊虎威欺鄉里笑啼直假髑
髏面變化終存蕤火尾出入虎前狐後隨逢人辟易夸
且悲虎欲嚙人避不得賢豪免者吾所爲賢豪之死亦
有命老狐此言胡足信不聞天下無狐鄉天公直遣虎
嚙盡我遇此狐雪白鬚頭搖手戰兒童扶當年曾受人

主勅至今不怕天師符共言佛法魑魅懼老狐偏在佛
堂住口中持呪手書經維陀大杵驅不忒自說長齋四
十年祖師堂內久參禪明眼老僧親勘破南來佛法許
狐傳老僧傳法心最苦祇圖此物能伏虎狐張虎勢作
虎聲時時吼令合山驚君不見老僧法被老狐滅師徒
無聲眼滴血

青樓女

江東風流有沈生纏頭買笑爭聞名室中慣取青樓女
入門操作甘辛苦共羨君家大婦賢許君夜夜擁姬眠
沈生遇難一朝死頸血淋漓濺通市官收妻妾散歸旗
傍人都爲諸姬疑一姬聞難色自若與郎別時原有約

引吭自盡通邑驚同時又有小婦爭小婦終年長獨宿
夜臺今夕還相逐可憐大婦獨從容手殮姬人棺自封
絕粒經旬命亦絕沈家親戚生顏色太守點名親下縣
歎息一門世罕見自買香燭拜三喪就中一喪青樓倡
搏虎行

勸君有山讓虎住慎勿搏虎動虎怒虎欲住山可柰何
搏虎不中傷人多世人但言猛虎虐我在山中笑人弱
夜到官符召獵師獵師寸鐵不曾持卽期虎穴不日掃
縱火乘風殊草草居人防虎結伴行見火上山攘臂爭
攘臂爭功爲虎死那知端坐岩穴裏火勢逼虎虎心驚
躍出深林作吼聲獵師辟易火亦滅山頭火光猶未歇

山頭之火隨風吹近處人散遠不知君不見獵師既去
虎歸穴山前山後新滴血

泥鰍行

人家堂坳水不乾疑有恠物水中蟠田蛙無聲蚯蚓踰
爭傳此物頭有角老巫見之禮最恭云是洞庭行雨龍
作恠燒符請龍子雷火滿空龍不起不如蜥蜴徑寸身
亂打雪雹猶有神傍人還恐變化去那知藏在泥深處
汲水取泥投江流蜿蜒乃是泥中鰍泥中鰍何足恠空
使老巫朝夕拜

北風行

去冬十月北風久白日慘澹青天吼萬里枯蓬蔽空飛

一川亂石平地走江頭老翁門不開舉家相對色如灰
已憂屋上茅盡捲况乃堂前柱欲摧當風出手手指直
門欹繩爛縛不得門外往往拔大樹根斷株傾委牆側
群兒紛呶斧作薪欲起禁之老無力一邨三日少人行
耳畔唯聞摧折聲獨有南山松倔強半死猶與風力爭

催糧行

催完糧催完糧莫遣催糧吏下鄉吏下鄉何太急官家
刑法禁不得新來官長亦愛民那信民家如此貧朝廷
考課催科重鄉里小民肌膚痛官久漸覺民命輕耳熟
寧聞冤號聲新增有名官有限兒女賣成早上縣君不
聞邨南大姓吏催糧夜深公然上婦牀

水夫謠

水夫住在長江邊年年捉送裝兵船上
水下水不記數但見船來點夫去十家門
派一夫行生死向前無怨聲衣中何有苦
搜索身無錢使夜當縛遭他鞭撻無完膚
行遲還用刀箭驅掣刀在腰箭在手人命
賤同豕與狗射死紛紛滿路屍那敢問人
死者誰爺孃養汝纔得力送汝出門倚門
泣腐肉已充烏鳶饑家家猶望水夫歸

穫稻詞

女踏碓兒掃倉我家今日稻登場穫稻上場
打稻畢拂還租稻又手立往時入倉纔輸官
今年只在場上看晚禾乾死田無藁又下官
符催馬草買草納官官不收千

堆萬堆城南頭風吹雨打爛欲盡餓殺關中子母牛

乞兒行

乞食兒勿求飽如今惟有乞兒好富人
有糧貧有丁羨爾不聞追呼聲鄉里小民
難到縣羨爾不見縣官面官家賦稅多如
麻汝徒只稅籃中蛇君不見富家翁朝防
吏人夜防賊通宵有眼合不得籃中蛇去
值幾錢草堆一夜齧齧眠

捉船行

縣裏今年大捉船有船不近長江邊往時
繫纜關江口如今橫艦截江守峩峩大編
載官艦官不放行可奈何捉船到官候糧
久可憐無糧燒船走男兒生計亦無窮

何苦老在波濤中從今應與江神別此生誓不理篙楫
明得一夜心不休明朝替人駕小舟

野鶴篇

東家老屋出狐狸搏雛噬卵無不爲野鶴飛在池邊歇
還欲咋其千年血堂上錦鷄好文采雖不相知遙相愛
小孤夜驚鷄羽傷還指池邊鶴嘴長瞬眴奮臆向鶴怒
鶴嘴雖長何處訴鶴何其懦鷄何愚笑倒牆根短尾狐

打旗船行

江頭罟師老長年開帆遠避東人船東人掠船禍猶可
目睛一瞬能殺我近來綠林計更奇小船盡打王子旗
銀鐺鎖頸貫兩肘上船喝人人拱手君不見江頭有盜

捕入城都是昨日打旗船上兵

老驢行

老翁住山出無車來往惟乘長耳驢往昔爲驢今爲蹇
邨前邨後去不遠遠去十里輒傷蹄有時天陰陷在泥
卽今收放復誰管驢耳雖長尾漸短夜半槽邊聞驢鳴
誰其起者白頭兄可憐驢老爲人棄獨有老兄把火喂
老兄喂驢不自騎與兒騎去嫌驢遲驢歸遲兮兄起早
牽在雨中食細草

捕匠行

今年江南大造船官捕工匠吏取錢吏人下鄉惡顏色
不道捕匠如捕賊事關軍務誰敢藏搜出斧鑿同賊贓

田間集
十人捕去九人死終朝鎚斲立在水自腰以下盡生蛆
皮鞭亂揮不少紆官有良心無法救掩鼻但嫌死屍臭
昨日小匠纔新婚遠去寧願結髮恩晝被鞭撻夜上鎖
早賣新婦來救我

秋水歎

貧家住近江水涯有田數畝皆汗邪十年種田九年浸
古堤漸塌年年加去歲潮涸天不雨此田龜圻成焦土
今夏大旱秋雨通江潮判與卯年同先有土神判云潮
來嚙堤堤欲决竭作捍禦一方功捷薪下石僅能塞山
水倒注泄不得眼見黃禾沒水底魚龍佛鬱紛來食可
憐黃禾子離離老農照影向傷悲租船買酒入水穫酒

少口噤寒難支終日穫稻不盈畝上場打稻纔數斗稻
黃者少青者多除還酒價竟何有况復皇天不肯晴積
禾在場禾耳生街頭稻價日日賤此稻入市賣不行君
不見賣稻老翁泣訴苦門外催租吏如虎

秋雨歎

老夫秋臥空牆側牆東踏碓春不歇瓦溝雨聲徹夜縣
牀頭接漏盆滴穿宅老人稠無去處拄杖只到衡門前
爨嬾厨邊炊欲哭濕薪不著煙滿屋阿兄飽飯腹便便
手把書卷翹足眠

稻畦已破禾浸死麻菽被隴不得收水鄉望魚如望稻
水戀又恐魚回頭已苦薪盡炊方絕况乃草爛牛無芻

出門看雨雨不住前邨買酒無船渡農父把鋤行復歸
洗脚檐前坐織屨

朝雲闌東日出早豆棚絲絲作雨聲蘆葦泥深種不得
秋瓜時過空自生青菰黑茨非難摘小船繫井無人撐

田家租輸腹已餓未黑掩門向燈坐小兒市上得酒還
速空取醉昏昏臥

捕魚歌三首

長河水退疾如箭江魚上水只一綫土人關魚亦擇日
織竹爲梁罟同密水口有梁魚早驚大魚小魚湧來爭
大魚奮鬚向空擲去江咫尺出不得鯉魚信是非凡鱗
騰空躍過真有神小魚無神柱自急依倚大魚頭戢戢

其甚意味
不知意味也

聽得水响皆回頭水聲亦是灘上流灘上細流旋已汜

諒汝終是池中物

清晨打魚魚網齊人多水淺水爲泥大魚入網歸漁戶

小魚亦聽邨人捕風寒如刀人不覺一半無曾空手捉

捉得鯉魚已在手手滑旋爲他人有物物有主爭不得

此魚非汝口中食咽強不動灘上鱗灘邊挺叉先有人

往來搜括何太盡寧有細族水中剩水中之魚亦善藏

明年出水三尺長

六月潮水破我堤潮來有魚稻無畦稻有佃人魚有主

魚雖食稻不得取家家水到柴門前網掛牆壁空垂涎

行人爭見魚踴上今來取魚殊失望或云九月連朝霧

鯉魚引魚乘霧去我思此物之來天所予佃人無稻魚
當補君不見佃戶田邊水尺餘下水捕捉皆有魚

二子篇

我行萬里今歸來閱盡天下無奇才雙眼炯炯能物色
豈有英雄藏塵埃從此閉戶長已矣何意垂老識二子
二子皆是草野人有名不掛當時齒楊子祖父來東鄉
筆鋒揮掃不可當家貧親老無以養公然燒硯事岐黃
戴子歷陽名父後眼空一世誰與偶終歲家居不得意
挾箠輕身萬里走兩人篇章殊精妙雕虫小伎何足道
我取二子骨不凡還憐至性生來孝戴子痛父志未伸
衣袖斑斑漬淚痕學道豈必求出世年過三十不肯婚

望雨謠

揚子信是甘貧者潭邊種菜纔盈把晝出灌園夜讀書
嚴親督過不少假此事在古未爲奇稱何時人人不知
君不見吾鄉爭與二子交但言二子能賦詩

用俗語未見
何似也

潮水已退湖水平上天一月無雷聲湖邊老翁田近水
口中望雨心望晴東風徹夜鯉魚哭鷓立池心何處浴
但使湖田家家收吾苗獨稿心亦足

山頭放水塘均乾山下轉水人力難邨巫祈雨久不應
霑洒到地旋毀壇溪雲沉沉雨勢作鷺鷥飛破不肯落
農夫望雨怕雨來早稻臨場無人獲東邊忽出虹兩條
黑雲上頂一時消巫師收人五色線作法能繫雙虹腰

喜雨歌

朝來爭水纔上田一坵水費千餘錢
桔槔辛苦夜索酒困極倒向牀頭眠
夜半醒聞微雨度雨聲著死喜還懼
久旱不敢望甘霖倏忽已聞瓦上住
有聲如潮拔海來幾番到頂風邀回
可憐雨勢逆風至追隨燿電與驚雷
雷聲一震雨聲急金蛇之光穿窗入
咫尺便愁江湖翻狼籍敢顧書卷濕
瓦溝水急還倒流茅屋乾久漏如舟
卽恐湖田一夜沒此雨天明未肯休
少焉雷高雨亦小水聲潺湲牆外繞
田間兩月蛙無聲一時鳴叫那可了
早起看小盈溝洫昨日桔槔空費力
農家點滴皆成金我損千錢何足惜

田間集 卷之四

七言古

孤螢篇

江上錢澄之飲光藁

江邨六月夜將秋乍有乍無螢火流
初出井欄飛不起漸尋檐戶去還畱
去畱不定隨風度忽上簾旌脉脉駐
弄影疑窺竹裏星含情似少草間露
草間露少光不融却憶當年爛熳叢
讀書共映匡生卷照院同輝帝宮
祇今寂寞自明滅耿耿丹衷應有血
熠耀何曾借壁光淒涼不肯因人熱
莫笑孤螢焰最微穿簾入幙有光輝
能臨錦軸窺銀字還拂瑤琴見玉徽
窗裏佳人發長歎

空房獨有孤螢伴。凝輝不受烈風飄。亮節偏于陰雨燦。
可憐螢火腐草生。自開自閤本無情。夜深燈暗天昏黑。
猶賴孤螢一點明。

柳絮篇

長干三月柳花飛。拂巷穿街亂撲衣。閒逐游絲颺紫陌。
急隨花片度羅幃。人家曉起紛紛白。委地盈階掃不惜。
暗粧老樹認爲花。斜舞迴廊疑似雪。莫笑楊花性太狂。
無情無緒漫悠揚。誰家庭院非吾土。何處林園是故鄉。
佳人不道花輕薄。世事由來無定著。已惜桃花順水流。
更傷霜葉歸根落。飄飄不自定東西。懶學人間著處迷。
便欲乘風輕渡水。惟愁帶雨濕沾泥。往還豈借吹噓力。

倏忽升沉渾未測。階下兒童捉不來。梁間燕子蹴難得。
飛去飛來任意休。春風不用更追求。卽教化作青萍草。
依舊無根水上浮。

塘上松

我家塘上古松。左擎右攫虬龍怒。屈幹迴枝撐不高。
白晝陰陰起煙霧。一夜雷擊半株死。一枝奔向波心裏。
偏枯側出轉穉奇。水中松影兩相映。搖曳鬚髯雙龍嬉。
我欲構亭倚松下。東面臨池最瀟灑。茗熟欲學春濤聲。
客睡常愁松子打。不然池東起小樓。疎枝細葉交牀頭。
晝長無事欹枕臥。耳邊風雨聲颼颼。天意傾覆焉可保。

人事感應殊難曉我兄于樹不關情絕命之刻松亦倒

家兄若土及時松無故倒虎倒龍顛委池側枝柯偃塞用不得我歸

但見根槎枒徘徊欲過淚沾臆我空天南十一年夜

夢到小池邊即今茅屋何處著辜負松風夢可憐

老梅行示二何生

牆頭老梅漸欲斜高柯半死雷槎枒枝條即存生意少

天陰慘澹寒無花堂上蒼生頭半白巡檐不語空咨嗟

西園古樹昔所見突兀朽株餘一片歲晚樁枯著枝短

孤花點點綴如霞可憐此樹正芳菲冷蕊疎枝復誰羨

此樹花發照江湄淡月濃星相映奇半夜草堂窗欲曉

東風吹坼白離離三十年來竟寂寞偃蹇西園同朽姿

何生相遇苦不早乘興看花花已老苾鞋深雪不知寒

凭軒惆悵當年好冬已盡矣春將回蹊邊樹樹縣蓓蕾

請看老梅花漸少為語東君努力及時開

叢桂謠為仲兄六十初度

桂樹叢生山之幽枝葉連卷根相繆開華鬱若黃雲浮

我兄讀書其下三十秋今年花開花甲週舉案孟光偕

白頭婚嫁已畢身自由有子克家饒筭籌孫能挈杖從

兄游獨憐生女命不猶早歲來歸誓栢舟亦能養親甘

旨羞舉酒屬兄兄勿憂兄飲我舞叔子謳同產者五三

人畱十年遞長齒髮伴仲子長叔子十歲父母稟賦兄

獨優問兄有酒當飲否三人之外誰為儔酒酣不用悲

楚囚我本與兄無壯猷慎勿多口招人尤頻年旱潦田
折收攢眉噉粥終歲愁我行萬里今歸休世態閱盡如
聚漚側身天地何所投回思十年滄海流爾我猶得延
蟬蛸勸兄知足閒且偷世事紛紛閉兩眸黃鷄正肥新
酒筭况復花發滿山丘明歲努力事田疇祝兄穰穰滿
車篝河上牧豕大如牛僕有飽飯牛有芻夏白苧衣冬
布裘衣食龔足又何求我亦花間構小樓丹經貝葉互
較讐歲歲花開一唱酬從此百年身悠悠安能齷齪千
歲謀

苦旱行

我生多憂良可歎十年一歸遺奇旱頗聞舊歲愁雨多

江頭潮長平江岸豈知今年竟不雨天心人事殊難算
處處被壇迓神巫龍師睡熟雷聲按五月潮水去不回
數里行汲泥一半東壩龜坼行推車長河獨漉纔沒胛
高田好禾已乾死低處且賴桔槔灌農夫望雨眼滴血
青霞日珥傍昏看夜夜烏雲作雨勢倏忽已見明星爛
老兄生在萬曆朝灾荒數遇無此難十七年乾古稀有
那似今年流竟斷今年地震驚殺人更兼雷聲壞元旦
爾來占驗又不靈顛倒陰陽無人判苦旱不已定苦疫
秋饑竊恐吾鄉亂我身托鉢事遠游倉皇且爲兒曹患

張家海石歌

君不見陳家園裏張家石高可一尋圍五尺有如摧倒

枯松株龍鱗剥落蒼苔蝕蒼苔剔淨孔紛紛細看迺是
波濤紋當時遠從東海至到今人說張將軍將軍一門
好文采夜巡海上見光旌入島尋知石有光採石直用
戈船載戈船泛海入江來金陵城門夜半開萬里道出
蛟龍窟千夫輦向鳳凰臺將軍園在鳳游里石到園中
扶不起卽今橫臥小亭前可憐將軍血戰死君家父子
皆好奇寶此石如瓊樹枝園亭已爲他人有獨畱此石
無人移張家園賣石不賣園更幾主石猶在我來懷古
欽英風不見將軍見石拜

六朝松石歌

葆光堂前有古松年深五鬣陰不濃玉鱗犀甲脫落盡

白如蜿蜒蛻骨龍松下峩峩孤石揭松根石色無分別
巫峽廟前一朶雲峨眉頂上千年雪我來撫石坐松下
堅貞潔白還相亞松石由來質本同此石定是此松化
石上鐫字記六朝六朝到今千載遙塵尾風流長已矣
幾人勁節同高標國朝此地中山有轉屬中丞猶未久
中山之後爲青門中丞子孫至今守去年大樹軍前需
不爲石憂爲松虞我願此松盡化松根石復恐秦人更
有赭鞭驅

松風閣雨中醉歌

松風閣上雨昏昏松風閣下長閉門有時米盡炊不舉
朝惟一飯夕無殮汲水客爲舊刺史負薪人亦前王孫

日
鐫中只有兩人粥減餐留我閣上宿閣上書生出未歸
案存萬卷與我讀連日陰暝晝不開解衣下山押酒來
把酒勸君我先醉醉便臥倒無人推松風颯颯吹欲醒
半醒半醉心魂驚恍惚乘舟汎東海耳邊澎湃奔濤聲
乘舟直到三山上仙人啣杯玉女唱招我隅坐賜瓊漿
我時已醉再三讓仙人相顧笑無言玉女持之不肯放
洪崖浮丘皆在坐我獨逃席飄然墮髣髴聽得松風吹
夢回依舊閣上臥閣上蕭蕭雨點愁悔辭美酒離瀛洲
夢中重泛濤聲去料是仙人席未收

三一上人雪竹歌

長鬚上人髮盡禿與我共栖江頭屋今晨洗硯向江流

爲我開窗寫雪竹竹竿著雪爭低垂拂檻無聲相亞枝
葉上離離雪不動普天凍合無風吹竹下崑峩千年石
雪光照耀同一白雙眼迷茫認不清森森冷氣遙相迫
上人画雪果奇絕淺深遠近能分別揮毫潑墨烟雲流
墨不到處卽爲雪上人胸無一點塵竹石爲骨雪爲神
本來無限瀟疎意筆下淋漓寫向人旁觀嘖嘖皆稱善
那知君自呈生面別後攜歸掛草堂與君千里常相見
青藜蒼谷星卿索飲醉後作

君不見燕市酒徒有荆軻漸離擊筑荆卿歌狗屠何人
無名姓三人相和淚滂沱又不聞蘓生每夜酒一斗一
卷漢書常在手張良奮槌擊祖龍惜哉不中一杯酒古

來飲者多牢騷胸無磊塊飲不豪三子胸中復何有飲
我酒盡還餉糟酒酣仰面向天哭荆卿在燕酒未足易
水歌罷長已矣報仇豈望高生筑兩君歸種邵平瓜狂
奴自賣君平卜曾生還山且耕田漢書只在牛背讀

姑山草堂詩

秦淮九月天氣涼江雁初飛菊有芳徐生旅館湛清觴
夜深酒罷燈猶張雪乳細潑聞澹香草根滴露啼寒螿
展出筆墨精且良要我寄題姑山莊姑山老屋百年荒
兵火經過樹未傷薜荔裊裊網古牆人烟深處橘柚黃
中有幽塢構草堂柴扉松竹森成行先世圖籍此中藏
山頭恠石勢低昂見者叱之疑爲羊麻姑仙跡事渺茫

鐘鼓不擊餘鏗鏘東有大湖水汪洋沈麻諸子宅其傍
暇時過從一葦航有書有爰死可忘胡爲棄茲山水鄉
賃居蔬圃春無糧應門老僕鬚全蒼終日街頭走欲僵
勸君早整還山裝妻孥天寒遙相望掃除苔蘚開竹房
架有卷軸篋有漿召君好爰讀且嘗縱君談笑無所防
我亦有廬樅水陽桂花松子秋滿牀催科驅走來四方
閉門有志不得將君家稍足歸無妨逋君詩債今當償
作詩勸君歸計長

方繡山舉子有猷綉簾作三鳳圖索余長歌題其上

我聞丹山穴產五色鳥見者天下稱禎符人家生子得

奇物文采不與五色殊此物得一意已足翩翩比翼來
何俱吾及繡山方司徒老來厚福天所扶行年五十棄
官職渥窪初產汗血駒卽今五歲再舉子膝下頓有雙
明珠高堂陸離簾影動誰爲織此三鳳圖簾裏兒啼簾
外笑湯餅召客相歡娛人言司徒真丈夫今何羅列昔
何孤昔困饑寒趨路隅今坐華屋嘈笙竽滿堂歌舞氣
奔走天下不得輕寒儒嗟哉富貴何足道貴家難得兒
呱呱繡山亦言上賴祖宗蔭今茲得意平生無往時登
科人動色自視此樂胡區區造物賦分本有限早歲榮
者晚必枯方子當年久寂寞到今晚節纔芬敷豐頤大
顙偉哉軀相者謂君有四雛此圖缺一不用補日中還

有三足鳥圖有方子從此累不淺老作牛馬兒孫驅我
觀方子意深遠黃金滿籬非所需但求兒子好紙筆遺
以藏書各數厨我比方子早白鬚有子生孫魯而愚男
大憑婚女憑嫁不游五岳胡爲乎我不作君只作吾若
擬向平君還輸更過廿年婚始畢我在嵩山頂上呼

胡星卿茅屋歌

白鷺洲接大江濱牧馬兒來動成群先生避世何處去
合家住近公主墳茅屋三間倚墳脚門戶欹斜草繩縛
籬外時聞樵婦喧樹下每有漁船泊先生田無一石租
糊口祇賴青囊書星卿精春深嬾子競鋤菜水落弟兄
公養魚可憐茅屋多年破五柳陰中畱客坐風雨淹旬

不出門先生高臥舉家餓先主本是公主孫當年駙馬
最承恩馴象門西起府第至今基址宛然存府基荒
墳園冷細竹寒花空滿嶺洗菜猶傳金水橋灌畦爭汲
琉璃井東川戰功晚始酬駙馬還蒙少主優靖難師來
家已破子孫旋失東川侯奪爵猶加主國號上書乞恩
無不報下降聞在高帝年問安尚覩英宗詔詔書累朝
墨有光龍牋寶篆枕中藏主家法物一朝盡樸素唯畱
駙馬牀駙馬之牀朴如此想見國初俗不侈當時賜出
椒房宮如今鎖在茅屋裏茅屋相看幾度春終年抱膝
不知貧叩門半是先朝爵失路時憐帝室親先朝帝室
復誰在茅屋栖遲人勿恠君不見開平王後懷遠侯妻

子負薪身種菜

湖孰種菜歌

金陵城東湖孰邨中有隱者開平孫通侯甲第今已矣
意氣豪華無復存開平公今凡幾代五王之後惟君在
往昔爭言青門瓜如今獨數湖孰菜問誰種菜滿畦新
一家生計只三人終歲把鋤菜畦裏婦能炊飯兒負薪
爲君婦亦太辛苦嬌貴當年難比數翟珈賜出小侯妻
珠翠裹成上公女都人猶記嫁時粧如雲妾媵爛生光
臺前照鏡輪梳髻架上薰衣派管香一朝散去竟何有
相對惟餘雙白首早從府內厭笙歌還向邨中撥井臼
邨中井臼倚柴扉賣菜還愁終歲饑夜長不肯燃薪坐

十指侵寒綻故衣東川子孫公主裔妻孥行汲心常愧
聞說君婦盡傷情無心更擬求奴婢

長干塔歌

長干古寺蠹浮圖莊嚴妙麗天下無
番僧望見遙作禮
鼓舞贊歎相歡娛塔上燈火終年點
塔下梵誦千人俱
僧徒屢見塔光放亦有佛像現須臾
我聞夜半金輪叫
風吹銀鐺聲嗚嗚戊戌正月雷火擊
似有恠物爲雷驅
起自殿脚至塔頂爪痕直上西一隅
明朝比丘募脩造
樹旗開簿請樂輸工師科費居士歛
約略萬金恐不敷
層梯累架甫相直此架亦須木千株
旁有五人顧之笑
笑此工師才皆奴比丘失色工師怒
衆聞茲言每乃誣

五人言罷緣塔上便捷不異猿與狙
更肩長木橫絕頂
撒手其上往來趨木頭著斧諭工取
工能取者吾爲徒
工師見之齧指退斧旋入手萬衆呼
下來隨受大衆請
但索飽飯無所需琉璃窰上甄五色
掘出未有尺寸殊
先修一級至九級攀躋上下如坦途
九級去地將百丈
高鳥奮飛或難踰倒掛檐際補檐雷
觀者恍惚神色徂
半空遙聞人語笑士女瞻仰傾通都
縣官惡之謂惑衆
坻來堂上皆至愚城中大戶素所習
未聞胆氣如此麤
塔工十日亦已竣通筭所費何區區
塔廟廢興有天意
虛空應仗神明扶君不見鐵塔寺裏
老髡來煎湯上洗
金葫蘆

白門行

白門一別十五年白門再來人可憐市上逢人少顏色
家家盡欠營中錢營中錢欠誰敢少家產已盡錢未了
妻兒准筭牽入城明朝引兒出打草誰者鎖頸城南門
頸上淋漓鮮血痕近前掩面不忍問問之知爲隆準孫
此輩凌辱自甘受饑膚戕毀復何有獨憐編戶借還官
橫使骨月遭毒手市井蕭條店不張新年通著舊衣裳
豪華祇羨遼陽客艷冶惟憐滿女粧滿女粧成亦有色
道逢牛車讓車側幾家老嫗候山門隨車入寺誰禁得
城南一帶梵王宮塔院樓臺相映紅忽有兵機防警急
松陰竹色一朝空竹色松陰最瀟灑卽今一望彌曠野

墓上無非塞外羊山顛盡是關東馬朝朝暮暮白頭僧
每眺高臺淚不勝惟有長干寺裏塔通宵猶似昔年燈

李生行

君不見漢時東方朔詼諧玩世金馬門位纔執戟饑欲
死微言諷諫悟至尊滑稽翻爲世所賤至今人比淳于
髡又不見近代徐文長筆鋒犀利不可當當時空遇胡
開府後世猶賴袁中郎奇人往往遘奇厄此事言之增
感傷吾鄉山人李士雅一生足跡半天下談吐所至席
生風文章一出人競寫筆舌欲兼二子長胸藏孤憤無
知者徐家兄弟皆好奇謂辛夔耳中常聞生不羈與生
久處謂生靜恠生言動胡迂遲吁噫嘻李山人徐太史

形骸之外識者誰如此相知真相知可憐李生好心事
 開懷寫意無所忌途窮每動達人憐談妙時遭俗子詈
 功名自分長已矣年近五十猶無子廣陵人病寄書稀
 白下寵新薄命死即今已是垂暮年歸來四壁轉蕭然
 買臣負薪長獨往相如娶妾竟空傳看君口快腸太熱
 此法自合主迤邐君不見眼前才調諸子同一朝遭際
 雙眼空有力不為知已用有錢不與貧士通鄙夫庸兒
 享厚福此輩居然富家翁嗚呼此輩居然富家翁李生
 焉得不奇窮

同左眠樵霜鶴游碾玉峽因懷爾止

龍暝溪水自東來穿崖瀉壑如奔雷山腰峽濶不盈尺

東水水急聲喧逐水聲東急勢轉大噴珠跳玉不肯過
 雪浪銀濤晝夜爭一條飛下青山破左生本是樵牧群
 振衣躡級欲凌雲邀我過水坐盤石對面大聲語不聞
 石頭坐久寒生栗拄杖半染苔痕綠想見方公此讀書
 空山無人一茅屋即今茅屋已全傾竹刺藤梢遶徑生
 夜深或有精靈出月白應聞嘯咏聲飄泊遙憐方仲子
 三十年來稱名士一生作客不思歸好水好山棄在此
 寒暄篇贈方還青六十初度

世事反復誰能測爾我變態一何極足跡平分半天涯
 我在極南子極北子昔六月猶畏寒炊飯見風不敢餐
 宦居邊地豈不冷也處頻年何太安我生與子太殊絕
 田間集

言古

十二

樂易堂

性如吳牛恒苦熱荔枝飽食瘴飽經何曾憶著江南雪
皇天教育不肯言彼此互換深意存寒暄鍛鍊豈無故
從此互知造化恩兩人百折皆不死閱盡風波始返里
我髮已秃唯畱鬚子身轉健但少齒我身五十子六旬
所傷在老不在貧風流莫憶過江事眼前壇坫存幾人
卽今生計復何有唯有賦詩還飲酒惜哉子非高陽徒
但有酒熟來相呼

送僧之浮山訪隱

有僧新從剡溪還拄杖揖我游浮山浮山別來三十載
爾去不得同躋攀當時游屐殊草草到今無詩亦自好
石上題者誰最工爾到山中細搜討巖壑玲瓏鑿不成

柱杖卓地鏗有聲遠公棋局千年在未分一著誰分明
汝縱翻得向誰語勸汝莫搥上堂鼓如今道場那得興
權在居士不在僧如今禪師入院苦拂子沿門求山主
華嚴寺中有堂頭衣鉢費盡僧始畱佛法之壞至于此
爾輩出世亦足羞浮山可游不可住知君饒有山水趣
九帶堂前一茅屋差可擁爐煨黃獨

水邨泛舟荷葉中過澚漕橋赴族弟飲

吾家合族居水涯家家有塘生荷花春來潮漫成一片
荷葉連天無闌遮水南宗人招我飲相邀只用蚱蜢艇
湖面欲皺風泠泠山頭忽暗雨冥冥讀書稚子能撐篙
往來嘯歌殊不勞芡盤雀鷓亦可惜回舟尚欲探其巢

此鄉之人習于水那知荷葉香如此羨煞小舟垂釣翁
坐臥只在荷香裏風吹荷葉一時翻望見橋頭綠樹邨
咫尺雨來不得到有翁隔水候柴門

同左碩人何令遠蔣潛伯飲吳于廷醉後示蘓生
今日出山天氣佳城西吳郎邀我飲坐中諸子皆同心
談鋒一任狂奴騁况有蘓生善雅歌歌聲漸佳酒漸醒
城頭聽鼓夜將深生也喜我爲知音一曲歌罷一杯酒
興豪技癢兩不禁滿堂客散棄我走借問主人有酒否
老夫不醉不肯回還向隔牆謀一斗一斗告盡燈燭昏
主人已去僮僕奔此時客醉誰相送獨凭蘓生肩出門

田間集卷之五

江上錢澄之飲光藁

五言律

不擇地同無可師夜坐

露下久不坐談深侍者疑螢尋經案照虫與客牀移破
戒編書日傷心見性時靜中一滴淚未許俗禪知

得沈耕巖口信兼問無可師近狀

徵君栖隱處近說在黃山老爻尋難見全家往不還有
言傳世外無字落人間欲問真僧法爲園未得閒

暑夜聽兄子讜祐彈琴

松窓人不寐中有素琴聲晴久疑絃脆彈疎似指生不

知心已靜惟覺暑都清聽罷月初上草蛩依舊鳴

寄孫豹人

未識孫郎面看酬舍弟詩豹人有詩酬梅志憐吾道合辭見客心悲風氣關中厚文章江左卑騷壇憑筆削切恐太傷時

夏夜雷雨不寐

瓦溝通夜注農父眼常開電火穿牕去雷車碾地迴漸聞奔浪至疑是拔江來已分湖田沒波濤底用催

夏日雨後

好雨從風至炎蒸一以清雷聲驅漸遠雲氣斷猶行蟬劇林乾噪蛙矜草露鳴同時遭汝聒聽去各為情

夜

直覺貧居好無煩夢寐驚鳥栖巢不定鷄鼓翅難鳴山鬼嗔鴟嘯土人衝虎行詩成思脫藁那得到天明

七夕同家兄作時久旱祈雨

屈指雙星聚十年此共看雨壇嚴酒禁子舍簇蔬盤吾道悲燥慣癡心乞巧難填河無用鵲銀漢恐應乾

別孫不害途中有懷

出街別孫楚驢背獨成眠客影瘦殘照人聲喧渡船魚鬣爭開口牛路指墟烟念爾柴關掩初抄秋水篇

納成

一納三年願今秋願始成未煩緇素辨且愛水田名漢

服人間恠宮衣夢裏榮佛恩留此製穩著遂平生

同家兄飲田家作

新酒家_匕熟興來信步過煙邨經亂少債戶到秋多山
簇詩中料水吹画裏波阿兄防我醉紅樹已先酤

中秋無月

似聞今閏月此地說中秋有弟攜家醞呼兒辦小舟絮
雲旋入夜片雨不成遊自信非佳節休為敗興愁

既望汎舟酒盡索飲鄰人不暢

澄湖秋後濶還汎昨宵船興好樽先盡雲開月尚圓擬
尋村店酒空攪俗翁眠森_匕浩歌去青山絕可憐

同奏公梅士二弟食蟹有感

憶昔江邨樂持螯意惘然晨習當開口夜火點江邊落
水纜輸課經霜始論錢弟兄輪作麪此事十餘年

和家兄移菊花詩

秋菊垂_匕放今晨簷下栽屋因貧太窄花為老人開近
寺邀僧看呼兒問酒來白頭羞對汝底事耐霜摧

摘豆

種豆南窗下秋來滿架生近門藤蓋瓦插棘蔓為棚過
雨攜僮覓承筐看婢烹老饗何足厭聊以慰幽情

僧睡

竹扉時自啓松徑少人穿飯後客閒步雨中僧晝眠
吟將熟茗爐篆欲殘烟莫_匕葉聲碎恐驚夢裏禪

哭李仲山

之子吾鄉秀，樅陽汝最奇。狂言疑薄福，多藝在無師。死

仗故人殮，六安徐莘叟生憐稚齒饑。不知太婦篋，畱取

幾篇詩。

過家兄果庵山居

同堂兄弟少，相對盡華顛。蠹橘年已病，寒梅樹已烟。誠

兒投杖起，陪客負瞋眠。生理那堪說，爬搔手一編。

贈從兄季和

耿介推吾從，同堂亦罕倫。遺金呼客拾，時服厭人新。伏

臘三年醞，晨昏百歲親。水田纔數畝，殊不覺家貧。

除夕

今歲已除夕，吾生事若何。酒狂隨量減，老態逐年多。早

散妨兒飲，遲眠聽客歌。遠人須勸醉，不醉夜難過。坐有遠客

愚如上人至傳波民口信失所寄書

黃生天下士，矢志在江隈。寄訊因風便，煩僧破雨來。手

書行李落，姓字故人猜。波民昔先五月能乘漲，柴門候爾

開。

得愚公信復回桐山取衣過樅川去

赤脚雨中去，貧家贈別慳。祇言隨掛席，何意更尋山。托

鉢邨烟少，衝泥石路艱。再來稍口信，為說贖衣還。

園居雜詩

茅屋多年廢，偷閒暫葺成。林花隨季有，藥草遍山生。小

雨松窗裏孤兒夜讀聲。所期通大義，不用博科名。

睡法今年得柴門，向午開牽蘿上老樹。刈棘護新梅，死

爻夢中見游僧嶺外來。僧文如言林漫言湖海事吾志

已成灰。

蘭若東臯上，閉行日幾遭。託僧護樨笋，供佛摘櫻桃。鳥

語經時變，魚聲入夜高。所傷松樹倒，不復聽春濤。舊有

偃塞池上

伊昔交游滿，如今有弟舅。同心經亂見，鈞黨幾人存。舊

事老偏記，新聞閉不論。出門惟索飲，足跡遍鄉邨。

破屋重來住，紙窗燈可憐。農忙三月雨，鳥鬧五更眠。細

點牀頭易，同叅洞上禪。課兒時技癢，老筆忽成篇。

舊書存史記，溫罷已經春。交獲秧田老，茶烘穀雨新。太

閔僮欲病，數過客知貧。別有愁心事，詩成乏解人。

墻缺由人過，籬疎懶用遮。耐煩緣久客，容臥且為家。叢

桂千年物，萬籬十丈花。晝長無別課，一日兩煎茶。

世緣吾謝盡，俗相訝難忘。童穉心猶望，妻兒骨未藏。所

求茅蓋頂，那得竹成行。若問安身法，終期入道場。

江邨雜述

老屋江臯近，兵船上下愁。祇求連夜過，怕被聞風畱。烽

火沿邨放，鷄豚比戶搜。蘆中多難婦，莫勸土人收。

正月神先判，須防此地驚。室家無我累，手脚較人輕。急

東詩篇少，單裝襪被行。所嗟兄久病，寄信姊家迎。

判是他鄉老懷居意謂何荒田爲僕誤退步受人呵變
後家門弱貧來罪過多扁舟下吳會此志屢蹉跎

秋海棠

裊露紅猶淺映階碧已深偏當朱夏日開向北窗陰零
落美人淚幽芳處士心可知枝葉大容得蘚苔侵
何許情根結熒匕花尚芳可憐一滴淚斷盡千秋腸泣
露珠同濕凝紅汗有香只疑墻角下啼血至今燕一名斷腸

花傳是情
人淚所成

錦莧

赤莖疑作莧彩色忽將舒照眼花相似烘階錦不如未
霜誰點染當暑已蕭疎最豔無人處開門乍見初

丹黃隨意設濃淡自交加偏以衰增豔惟憑葉作花色
先鴻雁到一名雁妍向老翁誇又名老何處薰人眼燒
丹道士家

鷄冠花

的匕丹砂碎亭匕絳幘齊昂霄如覓鬪侵曉不成啼俗
豔粧邨落秋光照圃畦未登花譜上獨許野人題
紛敷籬下物爛熳夕陽中長夜應難叫危冠空自雄已
知形似木底事祝需翁對爾驚秋盡寧輸報曉功

水仙

莖葉盈畦短根芟與石互素華疑雪片絕豔是水姿影
在燈前好香惟夢醒知神清誰得似姑射耐寒時

日開集 卷之五 五言律 六

千葉殊穠豔宋人以千瓣為真水仙吾憐六瓣單香中稱澹妙花裏最清寒白映湘妃佩黃加道士冠常防酒氣逼不敢醉時看

石公子三原石映崑進士客死江上殯于鰈魚嘴

來見問因為指示其處比間尚未親往但遣吏一行恐及以追尋成委素也詩以促之

遠聞公子至掩淚出山阿旅視十年滯江程兩日多定須詢父老或恐委風波獨遣吏人衣徘徊意謂何

蕪湖晚泊卽事

蕪湖如此鬧恠煞白鷗閑大舶當江住邏船入夜還市喧連水上漁火隔沙灣客有詩盈篋明晨可進關

蕪湖遇康小范勸余東游詩以謝之

旅食江城因壯游老及來感君賜最熱恠我志全灰客路窮時險人情變後猜東行期屢改或擬奉追陪

適泊蕪關過缶庵藥室猝遇暴客既免蒙史赤豹

秦及生兩君子見願卽刻發舟不及報謁詩以

見意

藥室偶然聚萍踪遽擬分甫能離虎口何處到鷗群多難愁孤客同心羨二君風帆今夜宿相望隔江雲

中秋月食

秋月圓如此爭言永夜清人間誇盛滿天道有虧盈漸看輪將盡還疑魄未生徘徊欲誰待且臥聽鷄鳴

懷左襄子戴山民導及姚經三孫嗜公方山公漢

臣諸子丁酉夏約余談易城北

吾衰人共棄學易是生涯暫入華陰市爭迎處士車鬼
詩姚合註姚經三方註長吉詩梧月戴逵家道院談經處秋來幾

點花

西閣過新雨招攜有左思樽開罷講後談妙納涼時小
戴偏傾耳季方更解頤所居孫楚遠常是罰來遲
城北人喧少家七負郭居素心多比屋容膝即吾廬送
客同闍韻緘關互借書故鄉新米賤酒價近何如
長干游竟滯吳會興難乘妙悟思吾黨浮名誤老僧漸
寒為客喻多病逐旬增怕見江天晚新亭久不登

酬蔣潛伯客中

吾鄉才輩起今數蔣生奇作客長干寺思親歲暮時賣
文營襍被寄食省朝炊夜坐寒無酒披衣誦我詩
下山先覓汝屨破寺門霜早飯潛營米夜眠累讓牀貴
游情可見蔣干當專者頗困僮僕色難當故里催科急期君速
整裝

移居南郊

租得橋西宅欹斜只兩間窗平秋後草榻對雨中山賓
客應難到吾人不易閒雙扉臨市井無事晝常關
郊居疑太僻所恃是長貧牛馬憑呼我屠沽可結鄰圃
規先定菰僮約與供薪時恐門前指此中尚有人
竟少容身地入山未敢深苟全梅尉志晦跡伯休心老
日月集 卷之五 五言律 八

罷千秋業。閑餘二仲尋。詩名藏不得。傳出有知音。
戶牖迎朝旭。高眠柰我何。牛車郵市少。魚網板橋多。斷
續煙邊柳。離披水面荷。竹間有老叟。擁被許相過。
城居吾不樂。生長在田家。飯雜菰爲米。盤腥菜有蝦。定
須求竹種。且漸縛籬遮。預想朱明候。開軒看藕花。
僮僕出門早。晨興自掃除。所求清我眼。何必定吾廬。客
至難尋酒。人貧恃種蔬。有錢無可費。合是老慳居。

病中述懷

鬢鬢甘吾老。宜堪多病催。學禪心未了。入世志全灰。
穉子尋柴至。鄰家借米來。晝長深鍵戶。只放北窗開。
北風連日夕。當暑作秋聲。苔色緣牀上。瓜藤碍路生。候

蛩涼欲語。乳犬臥頻驚。伏枕眠隨熟。醒常到五更。
種荷惟采藕。荷葉滿鄰塘。不見藕花白。空聞荷葉香。雨
聲病裏碎。水氣醉餘涼。容我消三伏。秋期覓草堂。
主人促我

出屋

市井無人語。過墻僧可招。夜涼江長水。地僻板爲橋。秧
黑勞收馬。魚腥乞哺猫。河身餘幾尺。怕似去秋潮。
兵過船來少。居奇賣米家。雨傷新靛菜。風損早禾花。市
井喧分肉。兒童習捕蝦。當街讓打草。鎮日過牛車。
吾志亦殊少。天心胡太慳。所求竹數箇。爲構屋三間。雅
願頻年縮。閒情一病刪。竟無安隱處。只合返家山。

草堂四蛩詩

螢火

耿七光難昧幽七照獨行無風自開閣近水得逢迎歷
落親人冷飄零出世輕共知為腐草休恃有微明

蜻蜓

不定去來意悠揚何太微尋花輸蝶鬧咽露讓蟬饑羅
網寬休觸兒童捷有機憐他輕點水得趣便高飛

蛙

積雨堂均白鬻七入戶蛙已無朝氣怒還恠夜分譁井
海知誰大公私聽並嘉時防持釣者筭汝作魚蝦

促織

促織縈深夜墻根何處尋非時寧敢鬪率意自成吟豈

入豪家耳惟關靜者心通宵愁不寐此是尔知音

因陸漢東交安邑張萬青却贈

交道逐年減憐君國士風梗萍江表合臭味嶺南同陸

州人病自多情起張數有悼囊因好客空酒酣談罵賊俠

氣至今雄

老衲曾聯榻肝腸夜每稱有僧稱無端逢陸賈詎擬得

張憑失意娛絃管謀生託友朋莫疑方外傲原是在家

僧

方爾止移居

吾兄耽野趣買宅傍城東門掩寒塘側樓開夕照中比
鄰多画手坐客半詩翁余亦時來往牀頭酒莫空

田間集

卷之五

五言律

十

樂易堂

我尋栖隱處言是宋家園近寺墟爲圃穿橋水滿邨卽
芻修草閣且爲補柴門布置饒丘壑暇時細討論
巷偏車轍少祇合杖藜過火路芻添竹當門好種荷水
光東面濶山色北來多卽此堪容膝餘生足嘯歌
鮭菜無多種貧家好客偏漸除寒士態深識細君賢酒
價僅能訪茶香婢可憐先有婢潑茶極精今去矣所需懷抱物相慰
偶耕前佳爾止無子方得耦故及之

書懷

今秋通不熱吾意更蕭然枕到天陰潤牀隨夜雨遷因
人成薄醉無客卽高眠餐飯依時減毋勞問米錢

寄蕭尺木索画

吾憐蕭處士白髮老江天埋跡市廛裏閉門風浪邊供
僧惟一飯賣画有閒錢許寫青山寄欠來已十年

送兄子廉裕及兒子灋祖回里

久祿兒女戀此別覺依匕遠路無童僕炎天尚熟衣莫
貪行旅速須趁米船歸寂寞西街屋從今獨掩扉

西方庵石眉初度

此地無來往惟尋開士居栖心三徑竹寓目一畦蔬門
掩持經日香殘出定初許君親有見出示杖人書謂浪
精舍藏邨落雙扉晝不開今晨花甲過合境苾芻來野
飯燒冬筭人情送臘梅陶潛無米汁也索飽齋回

送一靈出關尋剩公

送汝出關去江城春欲闌計程萬里外惜別一年寬勿
 以天南熱還欺塞北寒鉢囊應寄此莫太著衣單
 剩公吾不識高躅舊京傳忽醒羅浮夢來叅雪窖禪艱
 難師交誼太住弟兄賢雷其弟迦陵于栖霞阿字幾時到多君攜
 手還阿字亦尊僧先出關

寄舍姪扶升索先世遺稿

近有龍眠集遺詩擬盡編表章為我事詞賦是家傳亂
 日書多散衰門汝最賢柳溪存稿否試檢白雲篇柳溪遺稿
白雲篇皆扶升先集

走筆寄余澹心吳門

來往婁妃巷凄凉處士廬庭關十隻鶴樓爛一牀書童

僕依人住佳兒贅婦居扁舟久不返長往意何如

山民在湄暑中過訪草堂

有客同攜手柴門問水涯畏炎辭遠席訪舊到貧家飯
 煮南鄉米并沉六合瓜清談畱二仲坐待日西斜

姚彥昭經三昆仲見過因同飲胡氏草廬

小謝纔停楫元方久未回彥昭時以今晨攜手至昨夜
 出城來路聽車聲讓門窺馬過開草廬深竹裏有約共
 追陪

雨花臺

京國春遊盛登臨只此臺酒完人故醉歌慢客先回山
 月防將起城門趁半開夕陽峰最好獨有老僧來

秦淮

清溪餘一曲莫過木橋邊北客丹亭榭吳兒淡管絃
押衣離酒店喝采賽燈船五月河房貴租添看水錢
酒伴全非昔兒郎態未殊舊交遮扇過熱妓隔船呼玉
笛情多少珠簾豔有無關東人漸熟亦說用蘓厨
利涉橋東去遊船不敢過漁罾當檻繫馬棧對河多舟
子愁兵問胡姬見客呵幾年聞勅勒今已滿城歌
久在清溪裏今來識幾家屋巢辭舊燕堤柳宿殘鷓人
去朱樓改潮侵水閣斜不知誰第宅新種邵平瓜

舊曲

一帶荒墟地爭知舊狹邪歌銷鶯自語舞散柳還斜魚

響藏蘭若蝶迷宵菜花高樓存幾處盡說住良家

長干卽事

長干天下塔壯麗鬼神驚舍利光頻放金輪頂夜鳴碑

畱番客讚有番客作讚瓦甍震雷轟匠石騰空補灌聲

動一城戊戌春雷碎塔瓦有五匠

院較當年開松間小店增卜多高士賣工待宰官興功

德輸修藏方有社人情讓點燈塔一燈挾席棚為薙髮

養活幾千僧

天界紀事

百丈毘盧閣莊嚴壓十州殿尊軀像偉碑紀國恩優鈴
鐸通宵語竹松蒲院秋瞑心鐘磬裏端坐老堂頭

田間集

卷之五

五言律

十三

終易堂

三門來往歇半是帶傷兵翠竹官監伐蒼松鼠亂行路
關疲馬倒井暴渴馳鳴鐵騎無時入頻令合寺驚
慕師辭世日悲泣動天龍南國尊三寶江南以藏經長
三寶城南諸方証五宗一杖人有五燈正宗偈于臨本說
龕欲待誰封曲盡端然坐傾都禮梵容

牛首

不到牛頭寺于今二十年那知崖際閣重向亂中眠城
郭青烽裏帆檣落照邊時聞江右客泣指上河煙
監院舊相識扶筇特地尋饑寒離虎穴粥飯有叢林接
衆此時事住山他日心可能求斗室容我擁爐吟

早雪

漫說寒威淺江山也一新半空消不見大地蓋難勻野
路銀沙漫遙峰粉筆皴占年寧足算暫息道傍塵
六出花初試千林大可觀擬舒衫袖接旋被屐痕殘飄
忽隨風罷輕盈到地難也知時節早應待逼年看

不寐

客被何曾煖霜嚴好是晴鷄聲啼費力鼠叫狎成精殘
月曉纔上野更寒不清通宵求合眼多是近天明

僧舍蠟梅

花開精舍裏攀折遍街坊大戶增錢奪高齋累月香心
分檀越赤一名檀色借比丘黃世味嚼來久空門可較
長

臘月望前一夕同曾青藜訪孫易公園爐看雪限

韻

昏暮集微雪杖藜與偶乘舞空纜著瓦驅冷欲侵燈長
夜客難過深杯老不勝擁爐看汝飲簾外正飛騰
好客推孫楚况逢點也狂萍踪粘白下花信逼青陽得
雪銷冬熱聞雷怕歲荒窮途餘老及且莫判行藏

哭藏野上人

上人違幾日靈骨已歸山破衲禪堂估空房監院關棊
憐雙耳廢緣恠一錢慳普德門前路從今罷往還

江上

貧裝唯附載行止聽篙工舟等潮來活邨經兵過空年

終遍處火日落一天風誰識千檣裏愁吟雜老翁

篙師眠最熟寧顧客心忙人語鄰舟起鷄聲野店荒漸

聞敲石火似欲理帆檣風色嗔相問憑君住不妨

倚灘不到岸此地幸無驚數問來船信喜聞前路平隔

年愁上料幾月又裝兵羨煞打魚者深宵搖櫓行

聯檣鄰漸熟向曉約齊開旗脚占風轉船頭覺浪回路

程嗔早算篙穢恠頻催神福爭錢買登崖久不來

誰憐長滯客今日也開舟風戒飽帆腹柁看撇浪頭江

豚朝客拜水鳥近船泗慚愧東來客輪君怨石尤

騎驢衝北客馱落詩以謝之

狹路相遭處孤吟甫就時馱高驚偈側

惜千金貨吾成一句詩不知囊底物五字可能賍

方還青山莊

劈面衝風去行人納手寒詩從驢背就客用馬頭開
衝 馱所困問路三叉錯沉吟一字難遙知今夜宿唱和有

方干

老及官初罷攜孥住此山逕荒無轍跡水落有潺湲瘦
馬放溪上居人指樹間天寒知不出應是掩柴關

入城途中口號

前山青欲沒一路晚烟生頑僕催頻歇疲驢策不行日
斜寒氣峭風止暮雲晴野店難尋宿吾須趁入城

冬至前一日峽山途中作

且勿憂天變今晨有薄霜客衰鬚苦凍驢瘦耳尤長山
色凌冬紫雲情欲雪黃明朝猶在路那得養微陽

投宿峽山贈念何庵主

每叱溪邊蹇遙憐竹色寒柴門藏路側精舍隱林端日
在山中短天于閣上寬老師相識舊常借一宵安

宿圓通閣上冬至前一日

今夕純陰夕一陽未有芽星凝疎竹見鹿過合山譁就
火客談易移燈僧昏茶竹牀樓上冷多送衲衣遮
衲覆爐埋火毋妨襪被單香燈半夜換鐘梵五更寒火
照驚鷓起僧來問客安行人籬外語大霧正漫

潛山道中送迦陵上人之越併寄翁山禪師

翁山吾畏及之子亦同流為赴祖庭約本受吾鄉因成
天柱游萬山隨片笠一鉢入孤舟煩語祁園客吾心自
此休翁師方寓

過朱玉符市居

縱陽難避世所喜傍山居坐圃看分菜鳩鄰合養魚人
情應漸熟豪氣未全除自劇生英物明年可讀書

夢仲馭

恍惚南園路平生跡似稀夢中蹊映窗猶藥椀見客舊
麻衣言笑居然是門庭大半非十年不盡淚重向五更

揮余十年前哭仲馭詩
十餘首皆載前集